

中華郵務特准掛號
認爲立券新聞紙類

美國提議
召集國際
會議之觀
察

唐紹儀

國聞週報

第二卷 第二十六期

自來血	然清道	銅元	明妃	金粉	菊散	對數	美江	蓉海	藍關	田	王
一夫	秦淮	河	南	子	雞	鳴	金	石	索	西	貢
聲河滿子	豚	辣	路	三	寶	鎮	江	沙	馬	關	西
狗頭金	頭	鎮	江	沙	馬	關	西	貢	索	西	貢
一夫	秦淮	河	南	子	雞	鳴	金	石	索	西	貢
聲河滿子	豚	辣	路	三	寶	鎮	江	沙	馬	關	西
狗頭金	頭	鎮	江	沙	馬	關	西	貢	索	西	貢
一夫	秦淮	河	南	子	雞	鳴	金	石	索	西	貢
聲河滿子	豚	辣	路	三	寶	鎮	江	沙	馬	關	西
狗頭金	頭	鎮	江	沙	馬	關	西	貢	索	西	貢

北 京 女 界 之 新 粧



唐寶潮將軍夫人容齡女士。爲前駐法公使裕庚令媛。屢游歐陸。擅長交際。自清季入內庭爲西太后任傳譯之役。民國成立歷任總統均聘爲公府女禮官。執政府成立。仍任是職。在外交界中久有交際明星之譽。夫人于裝飾雅有研究。此幀卽夫人親贈本報之新粧攝影也。

神 州 勝 景



巫峽之天險



夔府城外之落日

蘇州靈巖山頭之渙漢石



北京北海之一角



巫峽中之白塔



名人錄



張學良

張學良號漢卿二十五歲奉天海城人。張作霖之長子。民國八年七月卒業於東三省陸軍講武堂。歷任砲兵團長。東三省巡閱使署衛隊團長。奉天暫編第一混成旅第二團團長。翌年六月升任奉軍第三混成旅長。令給陸軍少將。十年奉派赴日閱操。十一年奉直之戰。充第二梯隊長。戰事失敗後。奉張努力整理陸軍。學良及楊宇霆助以籌劃。是時任步兵第二旅旅長。兼東三省航空處長。東三省陸軍訓練處參謀長。十三年升二十七師師長。兼東三省陸軍訓練副監。是年九月江浙戰起。力主響應討曹。任鎮威軍第三軍軍長。担任山海關方面戰事。戰後仍舊職。十四年四月晉級陸軍中將。

編輯者言

△自美上院委員長波拉氏主張召集國際會議後，此問題遂引起國人之注意，本報記者特訪唐少川氏發表其對於該問題之意見，揭載本期，幸讀者細味其言，深加研究。

△本報應社會之要求對於重大問題，徵集名人意見，對五卅慘案，前曾發刊顏惠慶博士談話，本期復刊「張弧氏之談話」以供各界之參攷。

△「上海會審公廨史略」本期完篇，該篇于收回領事裁判權方面，極有關係，尤為國人不可不讀之作，用敢再為申述，敬希注意。

△二北先生所撰「曲諧」，夙為研究文藝諸君所歡迎，茲該篇于本期結束，此後當另刊他種文藝評論以投讀者所好。

△本報向主公開，特闢讀者論壇一欄，本期刊有「五卅慘劇與今後教育方針」為討論圖強之根本辦法，此後各界如有偉論，願在本報發表者，當為刊布，以廣流傳。

△唐寶潮將軍夫人新粧攝影，本期開始刊載，尚有多幀，陸續刊布。

目錄

社評(四則)

國民自決之途徑	政之
滬案與粵案	冷觀
矛盾的高調	天生
工部局停供大宗電氣	慎予
美國提議召集國際會議之觀察	唐紹儀
舉世側目之蘇俄共產黨	受百
張弧氏對於五卅案之談話	記者
上海會審公廨史略(續)	記者
國內外一週間大事紀	公展
曲諧(三十二)	二北
北戴河之一瞥	政之
荔枝雜話	笑庵
家庭醫學常識	余愚
中國影片新評(摘星之女重返故鄉)	心冷
反常的事(小說)	S. K.
讀者論壇——五卅慘劇與今後教育方針	戎承文

社評

國民自決之途徑

政之

自五卅慘案發生以後。漢口廣州。迭有事故。國民呼號反抗。力竭聲嘶。而外人態度迄不爲之稍動。各國人士。號稱通曉華事者。大抵就中國國內政情。冷嘲熱罵。而以華人之罷學罷市罷工爲自殺。平心論之。內政不修。原爲招致外侮之總因。今爲抵制外人橫暴計。任何手段。均感實行之困難。則國內政治不良。又爲唯一之障礙。懲前毖後。今後非國民努力於內政之改革。則國家且難於存在。更何外交之可談。

大凡機會之來。非當前利用。則稍縱即逝。往者袁氏當國。財政民政。固已略就軌道。不幸帝制一役。自取敗亡。合肥於袁氏新死危疑震撼之交。擁黃陂以正大位。以黎之仁厚。與段之清剛。使能始終訴合。國事雖無希望。不幸小人挑撥。府院成隙。三數親近之私心自用。竟陷國家於絕地。徐氏當國。南北議和。苟能持以公心。儘可實現統一。乃偏狹自利。陰懷和局。段氏固敗而徐亦被放逐。自是以後。大局益亂。民生益困。西南內部。變故紛乘。北方諸省。亦苦兵匪。幸五年以還。南孫北段。相約提攜。去歲倒曹。成效大見。以兩氏之公誠愛國。使能利用時機。切實合作。則民國建設。希望至宏。不幸合肥急急入京。中山以病羈滯。中間非無見面晤談之機會。而阻撓把持者。別有人在。以致兩人迄如尹邢避面。竟令中山抱恨而歿。合肥則以一身支撐難局。大感精神身體之苦痛。孫段不能竟合作之功。實爲國家之不幸。而當前機會之錯過。則瞿近兩公之諸子。要不能不負責任。今者領袖人物。幾已絕迹。如何而可以自拔於國事混沌之域。非國民自身覺悟。殆無希望可言矣。

合肥去歲出山。標榜善後會議與國民會議兩大辦法。國人多表同情。國民黨當時雖以政見不同。迭示異議。然因五年間歷史關係。究未顯示敵意。在段氏本身爲顧全信義起見。當然希望國民會議早日觀成。自身可以卸責。而國憲可以產生。即就國民利益言之。國會既已自殺。約法無術運用。非速開國民會議。別創一新生命。則循環輪轉。靡有窮期。今之國民會議選舉法。係採普通選舉。自立法上觀察。較日本國民抗爭廿餘年之新衆議院議員選舉法尤爲進步。政府既無操縱包辦之意。事實上且亦無此力量。國民果能以公正之方法。從事於選舉運動。爲國家負改造責任。早成國民會議。將根本大法。迅速議定公布。則種種政制。軍制。省制。財政諸大問題。胥有一最後之決定。今後總統人選。亦可決於國民公意。以視今之支支節節。補苴敷衍。與夫憂疑驚恐於政客之陰謀煽構。以及軍人之跋扈攘奪。若汲汲不可終日者。苦樂利害何啻霄壤。至如時賢有倡爲法統論者。其說非盡無理。特是國會無復集之價值。黃陂無再出之勇氣。與其逆轉而舊戲重排。毋甯直進而另闢境界。國民果欲自決耶。時乎時乎。勿再

失也。

滬案與粵案

冷觀

自上海五卅慘案發生以後。漢口廣州重慶迭出英兵擊殺華人事件。而六月二十三日廣州沙面英兵槍擊華人死亡至百餘人之多。情形嚴重。尤較上海南京路一

案爲甚。廣州政府雖一再抗議而英領態度似比上海英領更覺強硬。溯自六月一日以還。上海各界反抗五卅案。熱血潰湧。罷市罷工。公私損失。何止萬萬。迄今政府雖有嚴厲之抗爭。外人迄無滿意之表示。商人迫不得已。勉力開市。援助工人。而外人乘華商工廠設備不全之敝。停止電流。絕其工作之途。於以知經濟抵制之說。亦非確有實力不辦。邇來反英風潮蔓延內地。鼓動羣衆者。惟恃一片熱心。滿腔怨憤。行動往往不自檢束。極易發生支節。外人自知滬案理屈。方欲盤馬彎弓。遷延不決。坐待我方一有越軌行動。即可據爲口實。抵銷滬案責任。況經濟絕交。本屬個人良心責任。非可執法律以相繩。而商人血本所關。尤欲援法律不溯既往之例。對於已進之貨。力求保全。學生工人與商人地位。完全不同。痛癢無關。儘不妨憐他人之慨。一經強行檢查。必致風潮叢起。往歲福州因檢查日貨。商人學生積成惡感。致生殺人凶案。由今視昔。情況不殊。時日久稽。必由滬案而釀出許多對內對外之糾葛。甚至影響於滬案本身亦在意中。爲今之計。宜一面籌畫提倡國貨之周密計劃。不宜僅止於消極的排貨。一面警告政府速了五卅本案。爲先決條件。俾失業工人迅得上工之機會。上海之原狀一復。則內地之紛擾狀態。亦可較好。至於工部局之組織。公廨之收回。不妨繼續談判。期底於成。外人鑑於此次之損失。必不敢漠視吾民公意。再起波瀾。若夫廢除不平等條約。雖非片面宣言所可生效。

而國際大勢所趨。業有加以修改之望。然以上所述。僅限滬案。其廣州沙面事件。則事實上非北京權力所及。就兩案情形言。廣州死傷之數。遠過上海。而廣州國民政府對於抵抗帝國主義。尤其特別熱誠。值此空前慘變。必當嚴厲積極。不致如北京外交部之因循遲誤。終將有以慰國人之望。以無負於國民政府之使命。即廢除不平等條約一節。在國民政府權力所及之處。亦必能立見實行。不致徒託空言。效法在野名流之專唱高調。吾人將以滬案與粵案之交涉成績。判斷南北政府之責任。案關對外。不容一味空談。事實當前。萬難推託。望南北當局努力爲之。衆目睽睽。無可取巧也。

矛盾的高調

天生

滬案聲中有兩種極端矛盾的高調。同時並唱。鼓吹者日日喧騰於口。自以爲今日外交的惟一方針。莫逾於此。而不知稍按其意義。兩種高調的歸宿點。恰成矛盾的結論。

這兩種高調是什麼呢。一種是「單獨對英」。一種是「滬案應使成爲政治問題。而不應爲法律問題」。殊不知這兩種論調。有絕對不能同時並存的道理。即滬案若要單獨對英。便變成法律問題。若要使成爲政治問題。便不能單獨對英。何以故呢。因爲殺傷我國學生的上海租界巡捕。固然是英國人。但是我們認爲英國的普通人民。慘殺我國的學生呢。還是認爲英國的警吏。慘殺我國的學生呢。換言之。這殺人者。是普通人民的資格呢。還是警吏的資格。倘是普通人民的資格。則這殺人者所犯的。純粹是刑事犯所發生的問題。純粹是法律問題。倘是警吏的資格。則國家的警吏。那爲國家權力之所寄。他的行爲。即將認爲國家的行爲。所發生的問題。那就不僅爲法律問題。而爲政治問題。法律問題。祇須裁判於法

庭。政治問題。則當取決於外交。但是現在還要研究的人。固然是英國人。身分亦是警吏的身分。而他所服務的。是否為英國服務。還是為英國以外的公共機關服務。若是為英國服務。則我國今日的兩種高調。可以並行無礙。既可認為政治問題。又可以單獨對英。無奈事實上。這班殺人的巡捕。並非為英國機關服務。而係為上海公共租界的巡捕房服務。受工部局所指揮的。而上海公共租界。現在不是英國一國所管。又是極明顯的事實。

所以現在國中一般祇知唱高調。而不知稍一研究內容的。僅就片面理想所及。以為單獨對英是今日外交上極取巧的一件事情。不知道你要單獨對英。除非認殺人的為英國普通人民。而並非警吏。既是普通人民。則這個問題。當然是法律問題。而非政治問題了。同時國人却又要把這個問題。變成政治問題。凡有主張為法律問題的。便須飽之以老拳。殊不知既須認為政治問題。這當然是說殺人的並非英國普通人民。而是公共租界的巡捕。既是公共租界的巡捕。則我國交涉。當然不能單獨對英了。這是多麼明顯的道理。

然而『單獨對英』政治問題。同時在一張口內高喊出來。已經一個多月了。青年學子不足責。號稱為智識階級的教授們。亦懵然而不自知其矛盾。這真是足以可憐的了。

工部局停供大宗電力

慎予

上海公共租界工部局於六日停起供大宗電力。中國工廠大受打擊。而紗廠受害尤深。幾於全部停工。其影響於中國工業與市面者至鉅。

方之事。初。友朋奔走相告。惶駭萬分。且有謂報館電力。亦在停供之列者。

而吾人尙處之泰然。以為此殆不過恫嚇之詞。工部局素以維護公共治安自任。當未必遽肯出此。厥後累經交涉。均歸無效。竟致斷然實行。殊出吾人意計之外。至其所持理由。則為人工不濟與煤斤缺乏。吾僑非工程專家。自難倉卒斷其是否由衷。但已不無致疑。何以罷工迄已月餘。必至今日而倉皇不克稍待。人工煤斤。是否不復能勉強維持原狀。此在工部局未有詳細的數字報告與確實之理由。足以證明實在無法維持前。遽難置信。不意據外交界傳出消息。依工部局電氣處之表示。謂本處職在營業。并無成見。惟以奉有使團訓令。無可轉圜。此則停電之舉。超越於人工煤斤問題以外。誠如吾人所料。而發號司令之所。竟遠在北京。則非意料所及。

溯自五卅事件發生以後。租界當局迄未改其高壓之態。弓上弦。刀出鞘。戒備從不稍懈。中國民氣雖仍激昂。而風平浪靜。秩序如恆。此在租界當局。或即視為自己政策之成功。然工人罷工。既有一發難收之勢。近自開市以後。商界力籌接濟。而因罷工事件之進步。凡中國資本之工廠。已相率開工。其工人且劃出工資之一部。以輔助罷工工人。此種形勢。將使外廠罷工。益形鞏固。此在租界當局之心。自不無快快。而認為應付不易者。特自吾人視之。此次風潮。既係激於不平等不人道之事件而發。超越一己或國家純粹利益範圍以外。則救濟之道。對症發藥。莫如於平等人道之基礎上。別開途徑。否則刺激愈深。其結果有非僅以利益可範圍一切者。乃不此之圖。竟有停止電力之舉。此在政策方面。將益激華人之反感。彌增中外間之隔閡。其結果或與預料者相反。實屬不智。而在道義方面。以公平解決滬案自任之使團。而出此下策。以使中國工廠全部停工。六萬工人。同時失業。未免不仁。此在使團因基於向來之政策。或不為怪。而

吾人視之。不無惋惜。

電力既已停供。挽救自屬不易。現南市華商電廠。方謀大規模之救濟方策。各廠亦有自購發電機。余敢確信中國工廠決不因遭此打擊。竟致束手待斃。別無救濟之道。惟吾人所深感隱痛者。開北水電廠建立已久。而電力借諸租界。歷年盈餘。數亦甚鉅。而省當局以財政支絀。提作政費。以致賬簿上雖有羨餘。而廠之本身。上則反日趨危險。自改歸商辦以後。雖有自建電廠之計議。迄無切實辦。官商因循。坐使大權落於外人之手。事變既出。倉卒間補救無策。至可扼腕。經此挫折。義憤所激。當必能力謀自立。一洗仰給外人之恥。則從此以後。當不致再有第二次之苦痛也。此次事件。紗廠受創最鉅。一般論者。以集合紗廠全體之力。豈不能自謀發電。立永久之基。吾人自始。亦持此議。殊知近據紗廠中人言。紗廠與工部局昔曾訂有契約。倘至罷工時期。工部局可以停供電力。而紗廠方面。則不得購用工部局以外之電力。否則。工部局可訴之法律。以求賠償。以致進退兩難。無法自全。嗚呼。此種昏庸糊塗之契約。與數十年前中國外交。可謂如出一轍。今此之事。時間久暫固不可知。但無論如何。此種契約。必當設法廢除。否則授柄於人。殊為實業前途之障。

關於電力之救濟。國人果稍有人心。自無待吾人顧慮。惟目前急要之務。則在此同時失業之六萬工人。將如何設法維持。紗廠工人。非普通之苦力可比。實有手藝上之關係。熟手工人。至為可貴。故救濟工人。其一固為治安計。而欲維持中國紗業前途之生機。殊未可任此六萬工人。遽爾閒散。按吾國紗業。自歐戰以還。頗有蒸蒸日上之勢。卒致見嫉日人。傾軋競爭。無所不至。復運用國家補助之大資本。以決勝於中國商場。中國紗廠。自非其敵。二三年來。各廠漸有難以維持之勢。吾人乘船進吳淞口。過楊

樹浦。兩岸煤烟漸稀。不禁感慨係之。今此之役。中國紗廠倘不能團結一氣。掙扎圖存。則根本覆亡。豈能有幸。雖然。此不僅紗廠一業之事也。願國人圖云。

(七月八日)

春感

朱復園

峭東風白袷單。

支離弱骨不勝寒。

抗塵抱負知音少。

入夢衷懷欲訴難。

花落不堪幽夜聽。

月圓那忍別時看。

日來怕問春消息。

怕恐春光到牡丹。



美國提議召集國際會議之觀察

唐紹儀

於中國「五卅」運動正激之際。美國乃有提議召集國際會議之舉。其惹人注意。自不待言。消息到滬之次日。余曾訪唐少川先生徵詢意見。既揭各日報。比者國中論議輩出。而憂喜異詞。用特再訪唐氏。爲較詳之談話。錄載本報。以供國人考覽。紀載倘與原意微有出入。文字之責。則固記者負之也。

謹予附識七月八日。

關於美國提議召集國際會議之舉。未來之結果如何。自難有斷然之逆料。特吾人一聞此舉。不覺有一極大之感想橫於前。即十餘年來。吾國無

本篇談話者



唐紹儀氏

可予外人以尊重之政。府致無一事可爲自民。元以還。苟能循序進行。

則何種權利。不可收回。處現狀之下。而即欲修改不平等條約。事實上固未易達到。蓋必須我國內治。臻於完備。方能得人之信任。爲法官者。須有道德有學問。其地位神聖。不可侵犯。何等崇高。然求諸吾國。不徇情面。不受賄賂。能得一人乎。司法獨立。全恃法官之人格。惟有高

尙人格之法官。始能輔助政府。今以未能立於法的基礎上之政府。而益以無人格之法官。其欲得人信任也。其難。妨礙司法獨立之最大障礙。厥維軍閥。蓋軍閥事事干涉。法官不能有職權上之自由。故吾人自由故吾人最急切之希望。即求中國有一有道德誠意能合法之政府。其任何事必可得事半功倍之效耳。

美國所希望於吾人者爲三事。(一)司法獨立。(二)法律之完全。(三)統一之政府。我國司法不獨立。致無最高人格之機關。英國數百年來。不聞法官有徇情受賄之舉。其精神殊不能不令人嘆服。中國今後。自當力求擺脫束縛。而監獄亦宜設法改良。務使無所藉口。調查司法。本爲華盛頓會議議決案之一。徒以中國內政不修。阻礙橫生。乃至於今。至統一政府一層。但亦有一合法之政府。則統一自不成問題。在昔廣東有護法政府。軍政府之出。其原因均爲反對違法。實則吾國人民。并無隔閡。粵人之於燕人。固與粵人之視粵人無異也。故一有合法之政府。則任何方面。當不復有所異議也。

論是項國際會議。與過去之華府會議。實有相因之關係。調查司法與關稅會議。俱為政府會議已決之事。調查司法。前歲各國委員且已準備就緒。而我國以各事未有預備。要求展緩一年。嗣國內戰爭修起。遂不復提及。今國內兵事稍息。此事必將舉行。關稅會議。前以法國尚未批准。華會條約。雖經我國迭次催促。未能成議。今法國既將批准。則會議當可即開。美國召集之國際會議。必將容納討論此二問題。以免分途進行之勞。自在意中。而全會議討論之範圍。將視華會議決案而擴大之。惟關稅會議



在美議院召集討論中國問題之波拉

一事。余自始即不敢領受列邦之好意。誠覺關稅無會議之必要。凡獨立之國家。關

稅應得完全之自由。故關稅會議。誠能決定予中國以完全之自由。固為吾人所樂聞。若仍瑣碎支離。規定某某抽百分之幾。某某抽百分之幾。無論稅率高低如何。終不能脫協定稅則之窠臼。此則決非吾人希冀於友愛之列邦者。

此項召集會議之提案。雖出於美上議院外交委員長波拉。但議院為人民代表機關。政府自應以人民意旨為歸。故吾人唯當視為美國國家之表示。有人深慮此會議將議及共管中國之問題。此則以余度之。決非事實。中國已非三十年前之中國。且吾人應注意此事出於議會之提議。默

察其意。主要點似在促成中國統一政府之成立。特以事關內政。未便置喙。言外之意。當在此耳。美國上下。對華之態度與政策。似尚一致。但即使政府未能同情於議會之主張。而議會既係代表民意。實無法以否決之。抑以余觀察。美國對我國此次「五卅」事件。中外國宣傳家之毒。或以為有赤化之作用。而美國以深惡痛嫉赤化故。不免有不利於中國之意。向特其全部對政華策。與希冀中國獨立自由之心。固未有異於往昔。英美間對華態度。雖係同其傾向。而處境不同。關係亦異。美國除在華設公使領事外。商務關係極少。而英國則全恃遠東為尾閭。中國印度為其兩大商場。故其視中印商務特重。非美國之輕淡可比。美國近來重心。轉在歐洲。蓋歐洲對美之債額。乃在一千餘兆之多。金融全權。不啻操諸美國矣。

英俄關係。邇因中國五卅事件。頗趨緊張。但雙方感情。果致決裂。則除糧食應有影響外。他無所苦。至開戰之說。在最近斷難成為事實。俄以地勢關係。他國實不易與之作戰。拿破侖滑鐵盧之往事。可為殷鑒。即日俄戰爭一役。俄雖失敗。而戰場全在中國。日本固未嘗履俄境一步。此其在地理上之便宜。致足令人驚嘆。俄國政治大權。自歷史上觀之。大都操諸他國人之手。如希臘人。猶太人。德國人等。今固猶是也。凡天下之事。物極必反。俄處數百年專制積威之下。一度革命。乃有蘇維埃政府之成立。凡懷抱帝國主義之國家。胥當以此為鑒。




舉世側目蘇俄共產黨

受百

俄國蘇維埃政府。成立已七載。表面雖尚平靜。而實則其內幕中變觸相爭。未嘗稍已。情勢複雜。在局外人觀之。宛如一幕戲劇。哀樂俱全。今政權多握於少數工人及農人領袖之手。以共產黨之氣焰為最張。此輩在政治舞臺上。既已占得一主角地位。於是排除異己。不遺餘力。所謂共產黨。實為一專制團體。未可與歐美各國之政黨相提並論。該黨在政治方面。可謂萬能在經濟方面。亦至有權力。管理國有土地。主要工業。及一切天然富源。此外國內之輸運業。及國外貿易。亦隱然為其操縱。當革命初起時。彼實為全國都市及鄉村間之中間人。將農人所產之出品。由彼收取。轉而分配於都市居民。復以彼等所產之製造品。分配於農人。此種制度。

甯李嘉統總俄蘇



當戰爭時尚可維持。迨內訌稍息後。此制即崩潰。各工廠皆停頓。田畝竟無人耕種。結果遂至盜賊蜂起。人民大半在流離顛沛之中。政府至此不得不稍緩其積極進行之共產主義。所有由國家收管之較小工廠。計占全數十分之七。至是皆退回原主。工資制度。亦漸恢復。自行此新政策後。一方面其國內之工業及農業。漸有復興氣象。而一方面社會上復產生一種新有產階級。其人頗多錢善賈。因此新策而獲經商之機會。但國人多嫉視之。如眼中釘。視奪其選舉權。科以極重之稅。其地位有如中古時耶教國內之猶太人。惟衆雖疾之而終無法剷除之。故今日俄國雖共產之呼聲。七年來未嘗稍息。而仍截然有貧富二階級。貧者已無立錐之地。而富者方力事奢華。為法國奢侈品開拓市場。惟此等富翁。其眼前雖稱逸樂。而所處境之危險。有如幕巢之燕。蓋政府之權力無限。今日即使貧者轉富。以已收後之財產歸還之。明日即可使富者轉貧。以其所有財產充公也。在共產黨以為此新起之有產階級。吸取他人之膏血以自肥。正為其欲毀滅之人物。但奉行共產主義者。多不諳經商之道。政府所設之分配機關。是否能與商民之機關競勝。尚為一疑問。若政府之機關。居於劣敗地位。則共產主義之前途。即頗可慮。故杜洛斯基嘗謂。若政府在商務方面不能與人民競勝。則前途政治方面之變亂。正方興未艾也。

當一九二一年以前時。俄國政府各種活動。多編於軍事方面。所應付之問題。尚比較的簡單。自一九二一年後。商務漸恢復。經濟組織。日漸浩大。複雜。其管理之困難。較前增高十百倍。蓋其國內之分配機關。多編於資本制農人。又多信個人主義。不好與政府合作。在此種情形下。而實行新政策。欲收得良好效果。豈屬易易。蘇維埃政府成立以來。於經濟方面之措施。有何成績。凡略知其國近事者。類能言之。當一九二四年秋季。穀價極賤。農人因之無力購買製造品。而今年穀價飛漲。較前幾增高一倍。國

蘇人委會副長莫維科長門夫
俄民議員兼蘇埃奈



內之製造品。因有供過於求之勢。凡此皆於政府措施之失當。故有此經濟紛擾現象。當局者亦深知之。力謀補救之道。故農人之榮枯。實共產黨所最其注意者。其所施行之政策。幾皆與此點有關。最近該黨曾有實行科學管理之議。於是如時間研究商店組織等。成爲一時流行名詞。凡稍涉獵科學皮毛者。皆津津道之。實則此議欲實行有效。尙不知在何時也。共產黨人之目光。不僅注於經濟組織問題。凡屬國內舊有之制度。皆在擯斥之列。由此等制度所造成之思想習慣。亦多被竭力攻擊。彼等主張

訓練國民。使以全社會福利爲前提。不可存利己之心。此點凡倡自由主義者多贊同之。但有爲自由主義者所極端反對者。即彼等過重視社會全體。而忽視個人之自由。主張對各個人。施嚴格訓練。無論男女老幼。皆欲使之養成一種爲社會奮鬥之能力。其對國民所施之訓練方法。惟古代希臘所施者。差可比擬之。按此現象觀察。則蘇俄頗有學步當年斯巴達民族。黷武好戰之趨勢也。

共產黨對於一切舊有之宗教。皆疾之如仇。以爲其國內之正教。與貴族沉瀆一氣。平民不當信奉之。實則該黨之反對宗教。尙另有苦衷。蓋宗教易養成人類之出世觀念。易使一般貧苦工人。服帖於舊有之制度。不敢挺身奮鬥。助共產黨張目。是乃彼黨所最忌者。彼等以爲歷來各種宗教內所稱道之天堂樂園。皆屬子虛烏有。吾人當採取世俗的科學的生活。一切超凡思想。皆非所知。甚至以前敬爲神聖之經書。今皆視作廢紙。用以包裹器物。當聖誕節或復活節時。每有青年串演戲劇。諷刺宗教之無謂。而今此風已稍減。一般青年似漸轉而注意於各種實際問題。如體育衛生等事。頗有傾向於實利主義之趨勢。但綜觀其人民。大部分仍偏於守舊。鄉村間尤甚。故其國內無論於政治或宗教方面。皆有新舊衝突之現象也。

蘇俄之領袖。以爲欲根本廢除舊教。必先改變人民之婚喪習俗。宗教存在之最大原因。固由於其能予人以精神方面之安慰。今若以種種新思想灌輸之。即不難使人民注全力於實際生活。不必藉宗教而後得精神之安慰。但宗教於人生。尙有一重要功用。如遇生育婚嫁喪葬等事。每藉宗教儀式。而現其莊嚴。人類遇此等事故。似必須敷演一種宗教儀式。方能使其覺生活之有意味。蘇俄領袖爲滿足人民此種需求起見。乃特創

一種婚喪儀式。一方面足以應人民上述之需求。一方面無舊教對於人類之惡影響。惟此種儀式。純出杜撰。並無何種來源。是其最大之缺憾。如共產黨員即廠內之工人。生有子女後。即召集親友。相聚於一堂。由黨內及廠內之代表演說。視此童將來為社會服務。並正式承認之為黨員。如逢喪葬。則由死者所屬職工組合內之會員。演說其生前之美德。並由會員奏樂。以表哀悼。若逢婚嫁。則由當地工人所組會內之會員。串演戲劇。以娛賓客。戲劇實共產黨宣傳主張利器之一。戲臺無異彼黨之講臺。而

蘇全最經會議家治長
斯仇基 部政國長議濟高國俄



影戲乃其傳布新思想最有力之工具也。


共產黨於道德倫理方面。亦未嘗不注意及之。彼等對於有產階級之道德觀念。固極蔑視。但亦自有其奉行之金箴。蓋李甯甯有言曰。凡人須力自消滅利己之心。是即彼等最高之道德規範。若果能於此點躬自實踐。則其人必勤謹清高。惜唱此高調者多。而能實行者不啻見耳。

俄國酗酒之風。近已大減。共產黨反對飲酒甚力。祇准飲味薄之酒及啤酒。餘皆禁飲。此外俄人於衛生體育等事。亦日益注意。近且提議組織一

國際競技會。而對於歐洲之國際競技大會(The Olympic Games)。則表示反對。謂其富於貴族色彩。共產黨對於一切貴族及與貴族有關之事物。皆在反對之列。且欲推翻家庭制度。現方努力於建設公共育兒洗衣及膳食機關。但已組成者不多。且極不切實用。即提倡新家庭制度最力者。於此亦有微辭。謂其組織不完善。而大多數之穩健者。則謂現國勢如此貧蹙。人民於公民責任方面。又極少訓練。故家庭制度。至少在短期內。不可廢除。須仍任其存在。但亦有少數激烈之共產黨人。以不負責任之態度。倡言性交自由。婚姻解放等說者。亦有不敢附和之者。現其國內之離婚律。較前已簡單寬弛。以前一般農夫。每役使其妻如馬牛。而今則夫婦之間。一言不合。即可離異。總之自共產主義倡行後。各個家庭內。逐漸起紛擾。甚至子抗其父。婦抗其夫。一家骨肉。而因主張不同。遂至相對如仇敵。大概一種激烈之主義。初試行時。每有此現象。故共產黨人在蘇俄不但注意於政治經濟及宗教方面之革新。即一般農人之窮瘡陋屋。亦皆其用武之地也。

乞丐新聞

法國巴黎之乞丐。發行一種乞丐新聞。以短紙作簡單之印刷。其登載之要聞。為該市富翁之婚禮及葬儀。慈善家之來往行蹤。洗禮誕辰等事。此外尚有乞丐通信欄。以俾各乞丐交換意見。其中以慈善家之往來行蹤。尤為各乞丐所注意。



張弧氏對於五卅案之談話

(記者)

▲英國製造赤化較赤俄宣部傳爲有功

墊居京津之張岱彬氏。久已不談政治。記者以滬事關係大局。於日前因過津之便。特往訪之。據張氏發表意見云。英國政府以海軍勢力幫助售賣鴉片之商人。結果在中國獲得特殊之勢力。六十年來英籍之人。不名一錢而來華。變成富翁歸國者。不知凡幾。華人之厚待英人。可謂至矣。不意英人之報答華人者。乃係以無情之槍子。射入徒手之學生工友身中。此真世界文明國民之舉動也。上海某國工部局虐殺華人。久已成爲習慣。曾記去年有一善良甯波工人。服役於一某國人家中。一日向其主人乞償工資。其人素與工部局有力者相善。恃其勢力。不特不給工資。且誣工人竊洋。誘令入局中人私室。並不送往公堂裁判。審查虛實。驟以私刑

本 篇 談 話 者 張 弧 君



吊打。並以火煙。煙工人之鼻孔。如此苛待。至四日之久。該工人已瀕於死。幸爲張元濟君所知。前往交涉。

始送公堂判明無罪。嗣後訪知某國人所失之洋。乃於洪醉中爲其情婦攫去者。而該無辜之工人。則已成殘廢矣。當時某國公堂審判此案。始終不肯判明捕房會用私刑。對於工人身上累累之傷痕。置諸不問。事後乃借他事。開除負責之英捕兩名。此種曖昧而不光明之政策。實非華人能企及。且由此證明。此次西捕槍殺華民。本無所謂防衛。亦無所謂法律。彼直謂凡華民違吾意者。吾逕殺之可矣。英國人一方面極懼赤化。一方面則縱容其國民以富力壓迫貧民。以強力壓迫弱者。若長此不變。則其製造赤化之功勞。實較莫斯科宣傳部爲尤大。須知世界貧弱之民族。至今日皆已覺悟。力爭自由。不必俟共產黨喚之起也。云云。





上海會審公廨史略(續)

記者

要求收回交涉

辛亥政變之後。上海會審公廨悉入外人之手。民國元年條約研究全擬將舊日上海會審章程改訂。藉以收回。於是擬有上海會審公堂章程十七條於設官觀審等項。依據條約剔厘明詳。惟其時民國政府。各國尚未承認。無從建言。民國二年冬政府再議收回。於是外交部乃向外交團領袖公使英使朱爾典面交下列之節略。

前清同治七年。訂有洋涇浜設官會審章程。上海公共租界。即設有會審公廨。據該章程第一條。廨員由滬道遴選同知一員。管理租界內錢債鬥毆竊盜詞訟各案。此項章程。遵行數十年。所有公廨華審員。均由滬道札委在案。迨辛亥政變。滬道裁撤。領事團乃公推關炯王嘉熙。宗義為該公廨承審員。雖經江蘇程督加狀委認。究係事後承認。實與設官章程不符。查領事團選任該廨員時。曾有通告如下。

駐滬各國領事團為通告事。照得上海租界為通商大埠。居民五方雜處。刑民訴訟向係特設會審公廨辦理。本領事團為維持地方治安起見。將該公廨職權繼續執行。並因位分所關。暫定前公廨華官關炯王嘉熙。宗義會同陪審洋員主持一切辦理。為此通告華洋人等一體知悉。一千九百十一年十一月十號。

是領事團委派審官。實為暫時維持地方秩序起見。現在中國正式政府成立。已經各國承認。以有公共租界公廨承審人員自應規復舊制。由本國自行遴員接充辦理。以符原章。惟廨員向由滬道札委。位分既卑。責任亦不專屬。現在滬道既裁。若由交涉員委任。仍蹈事權不專之弊。而審判人材。難期上乘。嗣後擬由本部慎選熟諳歐美法律精嫻西文品學兼優之司法官。呈請大總統任命。直接由部監督。遇有交涉事宜。仍會同特派交涉員辦理。而不受節制。以明統系。而專責成。此項節略交朱使後遂由朱使召集公使團會議。該團之意以為辛亥而後。上海會審公廨經外人改良甚多。中國若必欲收回。須先行承認下列五條件。

一、會審公廨之狀態。會審公廨之承審員四人。應與值日之外國會審員。或何位領事。先行函致公廨。聲明此案關於本國人之利益所派之會審員等。會同辦事。該四承審員應由中國政府委任。由領事團認可。該承審員長。應有高等審判廳長之職。與其享平等之權。只關於華人民事案內。中政府應認外國會審員在堂時作為領事團之會審員。二、刑事案內會審公廨之資格。所有租界內犯法之案。其中應以處五年以上之監禁者。全歸公廨辦理。命案內公廨應有定死刑之權。其

法場應在租界以外。由華官監視行刑。所有驗尸之事。應由公廨之承審員與會審官辦理。

三、會審公廨辦事之法 凡公廨之牢獄。應歸工部局之巡警管理。所有公廨之命令及傳訊票捕拿票。亦應歸工部局之巡警管理。昔日廨役之陳法取消。只關於華人民事案內。應准律師到堂預聞。其預聞之辦法。應遵民國元年四月之則例而行。



四、公廨上控之辦法 凡華洋民事案內。在觀察使暨有關之領事上控之辦法。仍舊存留。倘觀察使與領事未能合意。以原審公廨會同判決之詞。章為定。其華人民事上控之案。應以交涉員及公廨原

審會審員之本國領事為上控之地。倘交涉員與領事未能合意。亦以原審公廨會同判決之詞為定。

五、公廨辦公與監督度支各事 凡辦公與度支各事。應交與外國之檢察員及其所屬之書吏管理。該檢察員之職司。即管理廨內所用之人。並妥行監督廨內之度支。該檢察員各辦公事之人。應由領事團薦舉。由中國政府任用。

按上項條件之內容。如允照辦。實權仍完全為外人所操。此條件係於民國三年六月十一日。由英使照會中國政府。隨於七月二十二日。酌改內容。復牒如下。

查公廨積弊多端。其應行改善之處。本國政府亦為籌及。茲准照開各端。確與向章及歷來辦法不符。惟體察貴領銜公使暨駐京各國公使。交還公廨之美意。并為增進上海租界內公利起見。僅就照開各端。本國政府認為必須修改之處。開列如下。

一、中國政府承認會審公廨承審員四員。與值日之外國陪審員。或何位領事。先行函致公廨聲明。此案關於本國人之利益。所派之陪審員等。會同辦理公廨案件。由中國政府委任。一面將人員姓名通知領團。廨長由外交部會同司法部。薦請大總統任命。其官秩與地方審判廳廳長相等。有監督指揮全廨人員之權。至華人與華人民事案件。歸公廨審判。照中國現行法律暨訴訟法辦理。無庸外國陪審員出庭。

二、凡租界內刑事案件。全歸公廨受理。其應處以五年以上有期徒刑之案。亦在其內。惟按照中國法律並向章。所有應判以十年以上監禁之案。及命盜案判至死刑者。其判案須由公廨詳請司法部核准。遇有不核准之案件。即由司法部將不核准理由。批飭公廨遵照。復行訊斷。詳請司法部再核。其核准應處死刑之犯。送交內地中國官執行。所有驗尸之事。可由廨員會同外國陪審員執行。

三、凡隸公廨之牢獄。責成工部局巡警管理。所有公廨之命令傳票緝票。亦責成工部局巡警執行。從前差役之制。切實取消。

四、道尹與該管領事官。審理華洋民事上訴案件之舊制。仍當保存。倘

道尹與領事官未能同意。應以道尹暨該領事官合意。公推一第三國駐滬領事會同公斷。公斷辦法。兩造應即遵照辦理。

五、公廨庶務及出納事宜。應責成主簿及其所屬書記管理。主簿管理所屬人員。並妥行監督。廨內度支。該主簿書記。由領事團推舉。由中國政府委派。

以上各節。與來照所開各端。間有出入之處。其第一端內華人與華人民事案件。按照同治七年設立上海會審公廨之洋涇浜章程。所開辦法。此等案件。係由華官自行審理。自應歸中國廨員審理。無庸外國陪審員出庭。以符向章。其第二端關於租界刑事案件。查公廨向僅判斷五年有期徒刑之罪。現既租界內一切刑事俱歸公廨受理。則凡十年以上監禁之判案。暨應處死刑之判案。自應詳請司法部核准。遇有不核准案件。即由公廨加派廨員一人。會同陪審員暨原審廨員復訊。以期結案。而於公廨審理案件。並無窒礙。其第四端華洋民事上訴案件。來照所稱道尹與領事未能合意。即以公廨原判為定一節。雖為免以交涉為最後之解決方法起見。但其結果實與未經上訴無異。即與上訴制度。本意殊不相符。本部以為此等未能同意之上訴案件。即由道尹領事合意公推一第三國領事會同公斷。按照公斷辦法執行。庶兩造實獲上訴之益。亦無案件積滯之弊。其餘各端。雖與來照略有異同。實亦無甚出入。且所有修改之處。實大抵關於華人與華人民事訴訟手續。與華洋訴訟不相關涉。可無庸贅述。本國政府對於以上各節。認為於廨務進行必能大獲效果。增進公共租界之利便。為貴領銜公使暨駐京各國公使所必贊同也。茲特切實聲明。辛亥年西歷十一月以後。上海會審公廨內所有改良之處。即來照所開五端。按照本國修正

各節均可承認實行。至同治七年洋涇浜設官章程。具與以上各節不相抵觸之處。自應繼續有效。

列國公使團對於此次照覆。大體同意。惟於會審公廨承審官由中國任命後。將其通知領團。及上控會審加入第三國領事兩事。不表贊同。往返磋商結果。中國允將上訴方法變更。而承審官則決不允由外人同意後任命。兩方相持。頗經時日。終無結果。民國四年十一月二十三日公使團乃照會中國。欲以推廣租界為退回會審公廨交換條件。中國未允。交涉又停。民國八年一月二十三日二月十日本外交部迭函領袖英使。請轉達使團。查照累次去文。將會審公廨尅日交還。英使則以推廣租界何時施行。則使團即何時交還為答。交涉再成懸案。

民國十年二月法權討論委員會議收回上海會審公廨。改設特別法院。名曰上海租界特別法院。訂審理上海租界民刑訴訟。辦法四十一條。其要如下。

- 一、特別法院。由中國組織。專理上海租界民刑訴訟。不問當事人或關係人隸屬何國國籍。皆歸其管轄。
- 二、特別法院院長推事檢察官等。皆由中國任命。
- 三、凡案件涉及外國人者。審判時以諮議一人輔之（檢察時亦同）諮議由司法總長於現任或曾任法官律師之外人充之。
- 四、不服特別法院判決者。得上訴於大理院。
- 五、特別法院之確定裁判。得由中國法院在租界外執行。其受自由刑之外國人。在新監或司法部指定處所執行。
- 六、特別法院除特設規則外。均適用中國訴訟法。

此項審理上海租界民刑訴訟辦法議案。經法權討論委員會議決後。由

外交部照會外交團外交團以與民國三年該團提議五項辦法相差過遠。不允照行事。又擱置。

民國十一年七月。外交部擬先向外交團催請按照前與英使商定各辦法。即將該公廨交還。其未盡事宜。則俟收回後再議。此事經法權討論委員會討論多次。以爲前定辦法。殊未盡善。遂函司法部。擬請商由外交部交涉。先將租界華人訴訟案件交歸中國法院辦理。九月司法部將該委員會之函轉咨外交部。外交部以外人意見。相去太遠。未爲提出交涉。其後由外交兩部會商活果。將民國三年英使提議五項酌加修正。改訂辦法六端。其條文理由由各下。

一、中國政府承審會審公廨承審員四員。與值日之外國陪審員。或何位領事。先行致致公廨。聲明此案關於本國人之利益。所派之陪審員等會同辦理。公廨解員由中國政府委任。一面將人員姓名通知領團。廨長由外交部會同司法部請大總統任命。其官秩與地方審判廳廳長相等。「至華人與華人民事案件」歸公廨解員審判。照中國現行法律暨訴訟法辦理。無庸外國陪審員出庭。

此端末項之「華人與華人民事案件」修改爲純粹華人民刑案件。理由。查辛亥以前純粹華人民事案件。及華人民刑判罪在有期徒刑五年以下之案。概歸晚堂審理。其五年以上之案。則歸上海縣署審辦。現辦法第二端既訂明租界內一切刑事案件。完全歸公廨審理。則純粹華人民刑之案。自應與純粹華人民事之案。一律歸華官審判。無庸外國陪審員出庭。以期一致。

二、凡租界內刑事案件。全歸公廨受理。應處以五年以上有期徒刑之案。亦在其內。惟按照中國並向章。所有應判以十年以上監禁之案。及

命盜案判至死刑者。其判案須由公廨詳情司法部核准。遇有不核准之案件。即由司法部將不核准理由批飭公廨遵照後行訊斷。詳請司法部再核。其核准應處死刑之犯送交內地中國官執行。所有驗尸之事。不由解員會同外國陪審執行。此端無修正。

三、凡隸公廨之牢獄。責成工部局巡警管理。所有公廨之命令傳票緝票亦責成工部局巡警執行。以前差役之制。實行取消。



法權討論委員會會長張耀會

此端責成工部局巡警管理。司下添加「但公廨得派員前往常川監督」字樣。理由。查

辛亥以前刑事重犯。已判決者拘押西牢。輕犯及未經判決之刑事犯。拘押捕房。民事拘留及女犯（不論民刑及已未決）拘押公廨（即男女押所）。現既規定公廨牢獄責成工部局管理。則應由公廨派員前往該處常川監督。以免隔閡。

四、「凡華洋民事案件」在「道尹」及有關之領事上控之辦法。仍舊存留。但可交解員復審。至陪審洋員「除因特別情形事實上不能換人外」亦須一律更易。倘「道尹」與領事對於此項上訴未能合

意。即以復審判決之詞爲定。

此端華洋民事案件修改爲華洋民刑案件。在道尹之道尹字樣。修改爲交涉員署。倘道尹之道尹字樣修改爲交涉員。除因特別情形事實上不能換人外。十四字刪去。

理由(一)道尹二字。查民國十年時道尹與交涉員署並未劃分。故用道尹字樣。現滬海道尹並不兼理訟案。而一般華洋訴訟上訴案件。係歸各省交涉員署辦理。故改爲交涉員署。

(二)復審易員。原案陪審洋員遇有特別情形事實上不能換人時。可不更易。但原審與復審同屬一人。與洋員之必須易人。既不一致。且與易員復審之旨不符。如因事實上該國領事館無人可易時。儘可由該國領事推選一該國公正商紳陪審。

(三)華洋刑事上訴。查各國立法通例。並無刑事不准上訴之規定。且刑事案件於人民生民財產所關甚巨。則華洋刑事案件。自應一律准予上訴。以昭公允。而免偏頗。

五、公廨應將以及出納事宜。責成外國主簿及其所屬之書吏管理。主簿管理所屬全體人員。並妥行監督廨內度支。該主管主簿「書吏」由領團推舉由中國政府委派。

此端末項書吏兩字刪除。

理由。公廨所屬書吏。不僅一人。若均須與主簿同由領團推舉。未免不勝其煩。故將書吏二字刪去。

六、「前開五端。係屬交還辦法。將來中國政府與各國商議撤銷領事裁判權時不受何項拘束」。

理由。查華府會議議決。與約各國於閉會後派員考察中國司法情

形。中國政府於此項調查竣事後。若與各國政府對於撤銷領事裁判權有所商議或訂有其他辦法時。自不因有前開辦法。受其拘束。故特聲明。以免誤會。

此六端於十一年十月二十六日由外交部照會使團領銜公使葡使符利德。使團擱置不復。

十三年春上海重要團體總商會等。奮起爲收回會審公廨之運動。推代表董康趙晉卿李祖虞陳霆銳等赴京請願。政府乃重向外交團提起交涉。是年四月十日外交團照會外交部。於磋商開始之前提出三項。須中國完全担保。此外並及牽涉其他與公廨不相關涉之事項。當日由領袖荷使歐登特提出照會大致如下。


中國政府須于左開各點。予以担保。(一)公廨經費須有適當之規定。(二)公廨判決中國各法院須承認之。遇必要時且予以協助。

(三)外交部與中國政府所議定各條項。上海地方官吏妥爲施行。尚有應請貴部注意者。即對於涉及上海商埠兼公共租界之利益與發達各重要事項。亟與以圓滿解決。因外交團及上海外僑對於此種解決上極注意也。此項重要事項。即爲推廣租界現有範圍發展并改良該埠以公及共租界並租界接壤中國地方分別推選中外代表。參與市政問題。望貴總長對於本照會首段前開各點。予以擔保外。並切實聲明。對於上開有關在上海中外人民利益及安甯各事項。亦當預備會商。以謀圓滿解決。

外交部於接到上項照會後。於五月九日照會外交團領袖公使荷使歐登科。表示爲求迅速解決此案起見。對於前開二項。於公廨交還後。當可照辦。並聲明對於其他無關而涉及上海商埠兼公共租界利益與發達

各重要事項。如有確足增進該地方中外人民之公共利益而實際上易於施行者。本國政府亦願準備會商。俾謀本案之滿圓解決。外交團得復後認為滿意。乃於六月五日由領袖公使荷使歐登科照覆可以早日開始討論。惟對於外交部十一年十月二十六日提議修改之六端。以為仍待修正。開提出修正案。原照內容致如下

(一)貴總長一九二二年十月二十六日來照第一段以「華人民事案件」字樣。應修改為純粹華人民刑案件字樣。



前司法總長康董

緣在租界內發生之刑事案件。無一不與工部局維持治安及秩序之責任有關。故精確言之。租界內並無純粹華人民刑案件。又第一端之文字。須照以下修正。方合現在之情形。

(一)承審員數無定額。(現為五人)其「四」字應刪去。

(二)公廨審理約國人民之訴訟案件。有該國并無領事裁判權者。因之第一端「is involved」字下。應加入「或領袖領事關於特種案件所派之陪審員」字樣。

(二)貴部提議修改之第三端應改正為「但陪審員及捕務陪審員得派查看委員字樣」。

(三)貴部提議修改之第四端「刑事」字樣。應刪去。現在刑事上訴問題。應暫擱置。可俟公廨交還後。再為考量。緣現在上訴機關尚無規定。

(四)提議刪去第五端「所屬書吏」字樣。不能同意。蓋主簿及所屬書吏全體。不由領事推荐。必不能避免一切困難。

此項照會內又將歐使所提三項。及開議條件等重行聲明。并加說明如下。

公廨經費第一年。計需十五萬兩。而欲施行此項經費之擔保。中國政府須將此款四分之一。於實行交還前。以公廨名義存儲。其餘則於每季之始。由其前三個月內公廨之收入及罰款撥存。以備每季之用。如此款不足三萬七千五百兩。則由中國政府預為撥付。再中國政府應保證此後公廨經常費用。按照每年預算及按季預付方法。以備將來發還之用。

關於主簿及所屬書吏服務經費。各項章程。應由中國政府與領事團選派委員在滬組織一委員會討論。該委員會俟交還辦法商定後。即須組織。但討論時期在實行交還日期未定以前。至少須有三個月。按所開協定及條件。外交團極願將交還公廨從事進行。本公使特代表外交團聲言。貴總長來照所開貴國政府對於上海商埠兼公共租界之利益與發達各未決事項。如擴充租界及公共租界華界市政會中外代表等問題。亦願準備會商。以謀圓滿之解決等因。外交團意見業已閱悉。不日當另有照會。

外交部接到此項照會後。當與司法部詳細會商。於八月九日照覆對於

外交團所修正各條答復領袖公使美使舒爾曼如次。

(一)來照以租界內發生之刑事案件。無一不與工部局維持治安及秩序之責任有關。租界內並無純粹華人刑事案件一節。查純粹二字。係別於華人被告而外人為被害者之案件而言。租界內除華人干犯警章及直接侵害有領事裁判權約國人民權利之刑事案件外。其與外人無關較為重大之華人刑事案件。辛亥以前並不屬於公廨管轄。自亦無外員陪審之例。現既于第二段規定租界內一切刑事案件。均由公廨受理。則此項案件中不專有領事裁判權約國人民權利直接有關之案。按照現行條約。自應與華人民事案件。一律由中國承審員獨自審理。無庸外國陪審員陪審。蓋屬於公廨管轄之案件。除因條約規定專有領事裁判權約國人民權利直接有關之民刑案件及因華人干犯警章專工部局維持治安及秩序之責任有關各案。得由外員陪審外。此外華人民刑案件均無須外員陪審。

(二)來照以承審員數無定額。應將四字刪去一節。查承審員數之多寡。自以該廨所受理案件之繁簡而定。此節本國政府可表贊同。

(三)公廨審理無領事裁判權約國人民之案。(即特種案件)由領袖領事陪審一節。查在中國領土內發生之外人民刑案件。該關係國得以派員陪審或觀審。係由于條約上領事裁判權之規定。若該國對於中國並未因條約取得領事裁判權或原有領事使判權而現已撤銷或經停止。則關於該國在華人民之民刑案件。應完全受中國司法權之支配。此係中國與各該國之問題。第三國不能因該國無領事裁判權而出為干涉。要求有派員陪審之權。其理甚為明顯。而按諸條約。亦屬正辦。同上理由。凡未與中國締約各國之僑華人民訴訟案件。及現

無國籍之僑華人民訴訟案件。其應完全受中國司法權之支配而無庸第三國派陪員審。自不待贅述。

(四)第三端公廨承審員下增加「警務陪審員」字樣。本國政府可為同意。但查看委員權限。須有明白規定。故查看委員句下應加入隨時前往查看。如對於管理人犯認有欠妥之處。應即報告公廨。由公廨將不妥之處。責成工部局巡警改良。工部局巡警應即照辦。蓋不如此規定。實不足以盡查看之職責。至承審員認為有須親往查看之必要。自可親往查看。

(五)來照以現無適當上訴機關。將刑事上訴問題留待公廨交還後商議一節。查華洋民事訟案。既于第四端明白規定。以特派交涉員署為上訴機關。則華洋刑事案件。以該交涉員署為上訴機關。並無不適當之處。故華洋刑事案件。仍應照華洋民事案件同一辦法。由特派交涉員署受理上訴。其專有領事裁判權約國人民無關之刑事上訴案件。按照第一端之規定。自應按照中國現行法由該管上級法院受理。

(六)第五端關於主簿及所屬書吏各規定。查主簿職名。中國現行法制已不採用。現各法院分掌庶務及出納事宜者。為書記官。而管理監督之者為書記官長。主簿既受廨長指揮監督。而負管理公廨書吏及監督公廨度支之職。其地位適與書記官長相同。所定名為書記官長。較為適宜。至所屬書吏員數既衆。關於書吏等任免可由書記官長(主簿)商承廨長辦理。勿庸領團推荐。以免煩瑣。而符交還公廨之宗旨。

(七)來照稱公廨經費。每年須十五萬兩。由中國政府於交還公廨前預撥四分之一。並於每季前預撥不足之款各節。查公廨係屬中國官

署。關於該廨經費。純屬內部行政。中國政府為維持司法。無不特別注重。一俟商定將該廨交還。自當按照該廨實際收支情形。每年以十五萬兩為度。編制精確預算。按季指撥的款辦理。

(八)關於公廨組織職員服務及各種預算章程純屬公廨內部行政。現正由司法部詳細規定。一俟定期交還。本國政府即當同時以明令公布。故除關於外員保審辦法。應由特派江蘇交涉員于實行交還時。會同駐滬領事規定外。所有公廨組織服務預算等事宜。自勿庸另行組織委員會辦理。但本國政府可向貴公使聲明以上各項章程。係參照公廨現在情形。暨中國各法院現行章程酌量規定。以資遵循。此外尚有文字上之修正如下。

(一)會審公廨定名為上海特別地方法廳。

(二)廨長定名為廳長。

(三)公廨承審員定名為特別法廳推事。

(四)第一端內既訂明特別法廳受理租界內一切民刑訴訟案件。則第二端『凡租界內刑事案件至按照中國法律及向章』各字句。係屬重複應行刪去。

(五)第二端『內地中國官』字樣。易為『上海地方檢察廳。蓋上海地方判處死刑之案。係由該檢察廳辦理。比原案『內地中國官』字樣較為明確。

(六)驗尸字樣。易『檢驗』。蓋驗尸僅限於人命重案。檢驗則尋常門毆輕微傷害之必須檢驗者均已包含在內。

經此項修改而後。中國政府所允收回會審公廨辦理之條件。草案全文如下。

(一)中國政府就上海公共租界原有之會審公廨。設立特別地方法廳。除按照條約屬於外國領事裁判管轄之案件外。租界內一切民刑訴訟案件。由該特別法廳遵照中國現行法律暨訴訟法辦理。但有領事裁判權約國人民控告華人之民事案件。及華人為被告而有領事裁判權約國人民為被害者之刑事案件。得由該關係國領事派陪員審。又華人干犯警章之案。亦得由值日外國陪審員陪審。特別地方法廳廳長由外交部會同司法部薦請大總統任命。其官秩與地方審判廳廳長相等。特別地方法廳推事。由中國政府任命。一面將該員姓名通知駐滬領事領事。

(二)特別地方法廳判處十年以上徒刑及死刑之案。須由該廳呈請司法部核准。其不核准之案件。即由司法部將不核准理由令知法廳。復行訊斷。呈請司法部再核。凡核准死刑之案。送交上海地方檢察廳執行。租界內檢驗事宜。由特別法廳推事會同外國陪審員執行。

(三)凡隸特別法廳之監獄。責成工部局巡警管理。但法廳推事及警務陪審員得派員或法廳推事親自隨時前往查看。如對於管理人犯認為有欠妥之處。應即報告法廳。由該廳將不妥之處。責成工部局巡警立予改良。工部局巡警應即照辦。

特別法廳之命令傳票拘票。責成工部局巡警執行。但工部局巡警拘提人犯。應於二十四小時以內。送由特別法廳訊辦。如逾二十四小時。應即釋放。以前差役之制。實行取消。

(四)凡遇有領事裁判權約國人民權利有關之民刑案件。在交涉員署及有關之領事上訴辦法。仍舊存留。但可交特別法廳易員復審。其原陪審洋員亦須更易。倘交涉員領事對於此項復審判決之上訴。未

(五)法廳庶務以及出納事宜。應責成領袖領事推荐之外國書記官長管理。外國書記官長由特別法廳呈請中國政府委派。受特別法廳廳長之監督指揮。管理所屬全體人員。並妥爲監督法廳度支。

(六)以上五端。係屬交還會審公廨辦法將來中國政府與各國商議撤銷領事裁判時。不受何項拘束。

經此磋商。後各事稍有頭緒。乃以國內南北發生戰事。交涉爲之停攔。直至十四年。發生五卅慘案以後。各團體於交涉之中。主張提出收回會審公廨。特派大員當遵爲提出。然外交團則認爲此案與滬案無關。拒絕合併討論。現正在交涉中。

二十年来換丈夫

有兩個婦人。各誇儉節。甲婦說。我的錢口袋。還是賠嫁的東西。用了二十年。未曾換過。乙婦說。這算甚麼。我嫁了一個丈夫。已經二十年了。未曾換過一個。你到換過三個了。還說甚麼節儉。

[illegible]

銀行週報廣告

本報創刊於民國六年出版迄今已達九卷編輯門類除每週市況提要每週金融每週滙兌每週證券每週商情雜纂等項外關於經濟財政金融商業銀行業務會計事項等每期均有撰譯論文復於民國十二年起每月編印經濟統計一種將關於金融商業等項市價及其他一切統計特印單本俾便檢查本報定價請閱左列本報價目表如蒙預定報費先付此啓

發

銀行年鑑	一元五角
公債法	三角
會計科目名詞研究	一角

票據法研究(初續編合)

上海金融市場論

經濟論集

經濟統計（每冊）

十二年份至每册

十二年份 經濟統計 各爲

民
國
鈔
券
史

國金冬月

中國今日之貨幣問題

代

善會十市制之開蓬多

會館師制度之調查及

整理財政

對法賠款之金紙法郎

銀行公會聯合會議

海金市

政也清理

各省地方公債

嬰兒

漢口路二號


10

100

一九

上海漢口路二號

銀行週報社



國內外一週間大事紀


(由七月二日至八日)

公展

(一) 國外之部

●華事會議 慨自滬案發生。中國人民要求廢止不平等條約之呼聲日高。北京外交部鑒於民意不可違。已照會使團。提議修改不平等條約。國際間之空氣。因美國倡導改變對華政策。亦逐漸趨於轉變。蓋滬案初起。美上議院外交股長波拉即發表意見。對華表示同情。今則由波拉與下院外交股長樸特。建議召集對華國際會議。討論撤廢治外法權。美總統表示同意。已開始徵求各國意見。施肇基謁美國務卿克洛齊。請援助中國修約。符華會一貫精神。克氏允電致駐巴黎美大使。與法政府交換意見。再開國際會議。將關稅及司法代表同時派出。並徵駐英大使荷蘭同意。擬邀西班牙。秘魯。丹麥。瑞典等國參加。務將中國治外法權。圖永久的回復。俟班樂衛表示後。即可着手召集。而又一說。則謂美政府正向日本接洽。日如同意。將由美日兩國召集國際會議。蓋新任駐華美使馬慕瑞。道經日本。已奉訓令。美政府對在華領事裁判權問題。願即日考慮。設法滿中國之願望。馬氏自與日當局有所商榷也。據聞美國政府擬積極着手召集有關各國。在京滬會議。討論取消在華領事裁判之可能問題。但有下列各重要條件。(一)中國民法刑法之編訂。(二)設立可靠司法衙門。(三)中國各黨派須承認中央政府之責任。中國方面。各界要

美國務卿克洛齊氏




人對華國此舉。深表感謝。但均望其更進一步。會議時可討論修改一切不平等條約。不限於領判權一項。方足以解華事之糾紛。據波拉覆漢口美商會電以觀。彼謂外僑在華仍施侵略。美國何必牽入漩渦。十年以前。外僑侮辱華人行爲。不難憶及。中國騷動。真因在此。設外僑果能尊重華人權利。如華會所定。華人斷不至有排外情事。故余個人意見。應改變對華方策。而北京青年會幹事美人百餘。電美政府。贊成放棄在華領事裁判權。京津及華北美僑。亦致電波拉。贊成美國從速召集國際會議。修改不平等條約。是則美國所倡導之華事會議。初以討論撤廢領判權及增加關稅爲本旨者。不難望其擴大範圍。從事於一切不平等條約之修改。特東京七日電訊。謂美國提議。又有無形打

消之說。或者出於宣傳者之別有用意歟。

法國駐

華公使

瑪德爾



幹旋五

卅交涉

案之一

重要人


物

美國既先與法日兩國接洽。則法日之態度。實堪注意。法國外長白里安。二日對衆院外交委員會報告中國事件。謂在華外人之最未受危險者。厥爲法人。法使署領署皆未受影響。渠請將關於中國之華會公約即予批准。三日。衆院外交委員會通過報告。贊成批准關於中國之華會公約。七日。法國衆院已批准對華九國條約。特別關稅會議。當能於今秋開會。而三日法外長白里安與英大使克魯晤談。確與美國召集中國問題大會之建議有關。巴黎日報稱。列強願承認中國有平等之地位。但先須請中國表示其担任因此而起各種義務之能力。是法國之贊成召集華事會議。可無待論。日本方面。當局雖似不贊成立即改約。但對於召集會議。亦表贊同。美國駐華新公使馬慕瑞。三十日會見日外長幣原氏。其談話云。關於目下之中國問題。爲列國共通之問題。宜始終保持協調。善爲處理。我國駐日代辦張元節訪問日外部。亞細亞局長答以美國果以真誠態度謀問國際會議。對於治外法權爲具體的解決。日本自必參加。以盡善鄰之道。輿論界如日日新聞。謂欲令中國永遠免赤化之患。除加相當

之考慮於中國修改不平等條約等之主張要求外。別無可得永久和平之途徑。美國對於此次運動。不能辭其特殊之義務與責任。又謂列強之外交壓力。其促成中國現局。更過於蘇維埃之宣傳。並視馬使爲警告北京各國代表覓取最佳解決方法之適宜者。可見日本對於美國之主張。亦有贊同之可能也。

列強之中。美法日三國而外。若意。若比。若荷。若葡。關係較小。會議修約。大概可無問題。而俄德兩國則早已自動放棄特權。訂立平等條約。故今日態度之最頑強者。惟英國一國而已。雖倫敦觀察報評論華事。謂現行條約不合時勢。爲保全英國在華商務。英政府宜在京滬發起國際會議。明白表示解除違背公理及一切不平等之待遇。然英政府曾無所動於中。七月一日。工黨約翰斯頓在下院建議。謂中國境內治外法權條約之問題。應依照國際聯盟會章第十九條。提交聯盟會辦理。外相張伯倫反對之。同日。工黨議員又提出三問題。內有建議一條。主張英國召集條約會議。連中國在內。討論修正關於土地讓與權與治外法權之條約。外相

英人目中之蘇俄與中國




ANOTHER SLICE OF CHINA FOR MOSCOW'S MAW

張伯倫答稱。英國現正商諸其他有關係國政府。擬對於中政府之請求一致行動。惟有當聲明者。在中政府未設法終止目前排外鼓噪。及表示其厲行法律。維持秩序。尊重條約國權利時。此種大問題之討論。顯然爲不可能。安格聯自倫敦電京報告。與外相張伯倫晤談。張對修改條約事。願意商榷。但

須先恢復各地秩序及商務。並須中央下保護英僑明令。方有磋商餘地。其措詞之專橫無理。溢於言表。二日。工黨議員約翰斯頓。又請張伯倫宣佈北京重要華人向列強抗議之上海附律原文。並問張伯倫是否準備依允組織混合裁判會以調查上海近來開槍案。張伯倫答稱。關於第一問題之官場報告。尚未到部。關於第二問題之報告。頃已到部。但渠尚未考慮及此云云。可見其對於華事之視若無足重輕也。不甯惟是。英國固以重視輿論著稱者也。而輿論亦復饒有偏見。倫敦泰晤士報。竟謂柯立芝總統之提案。至愚無比。無論自何方面觀之。皆非得要之舉。而每日電聞。亦謂在此危險時期。美國有此建議。日本定視美國今竟露其手腕。東京政府終將被自衛之一念所驅使而有立即行動云云。其不願美國提議之竟成事實。而以日本反對為威嚇之具。固顯而易見者也。

▲英俄邦交 英俄兩國政府。近為中國抗英風潮而有齟齬。蓋英國朝野。至今尚有以為中國風潮。乃由俄國宣傳赤化而起。議院內務大臣印度事務大臣主張警告俄國。謂若不停止宣傳。勢將斷絕國交。而閣員白根海伯爵在洛波維演說。謂有一國焉。謀破壞英帝國。吾人對於此國是否無如之何。今至吾人必須以此自問之時機云云。其詞餘所指。當然對俄。前閣員克老福伯爵。在齊林漢演說。亦謂今日時期已到。英政府應明白切實警告俄國。如繼續其在中國印度等處攻擊英人利益之組織。則結果必為英俄外交關係之破裂。外相張伯倫之言詞雖未如此率直。然亦謂華事由蘇俄煽動而起。彼有證據可宣布。俄外交當局齊吉林因此告莫斯科訪員云。白根海之目的。顯在斷絕對俄之外交關係。而以中國事變為絕交之託詞。此真一針見血之談。齊吉林又謂當此政治大勢緊張。工業危機日惡。失業問題益趨重大。而蘇聯生產力及對外貿易發達

之際。白根海謀破壞英俄外交關係。結果唯英人受其損失。至於中國事件。乃受列強政治經濟及外交人員逼迫所至。美國波拉氏曾謂如外人對中國主權知所尊重。則中國將無糾紛。此言誠是。且在事實上。獨立自由之民治的中國如成立。反可有利於英國等對華貿易。俄國同情於中國人民者。即因中國人民力謀完成其民族的獨立與自由。此種同情。絕不能謂其為干預內政。須知除中國本國人外。他人皆無操縱中國人運命之權云云。侃侃而談。尤為英帝國主義者之所忌。十六日英外相在下院答覆工黨與自由黨議員之質問。謂英國迄未以關於中國之牒送交



俄國。但英政府保留採行其所認為必要之任何辦法之權。又謂英政府現考慮改變對俄政策之說。實屬不確。但政策若有任何變更。渠當

儘速在下院宣佈。即此數語觀之。英國之對俄。固已瀕於斷絕國交之危境矣。

▲法國戰債 英國前牒致法國。言欠英債款事。請法政府提出一種計劃。暫時整理欠英債務。法外長白里安現已答覆之。安現已答覆。允以同情的考慮。據半官消息稱。英法債務談判。近未續開。乃法國財長凱勞須辦理他種緊要收務。一時無暇及此所致。白里安近於歡迎美商部考察

團之詞中。已表示法國不久將派代表赴美辦理美債問題之意。白里安並駁斥法國擾亂和平製造戰爭之說。緣債務尊嚴。法國從未抵賴云。

▲英礦工潮 英國礦工現料其他各大工團。將予以扶助。以拒絕礦主之提議。今日開股員會。討論礦工鐵路工運輸工機工同盟之詳細辦法。修改同盟組織法草案。此案尚須提交各工團。並在下屆會議時提出。查礦工所最不满意者。為礦主利益應儘先支付。而全國工資計畫中不應載列最低工價之提議。礦工視此提議為恢復各區自定工價舊制之先聲。其結果將削弱礦工聯合會之勢力。今所希望者。惟在礦主建議七月三十一日即現有合同期滿時以前。召集會議及政府出而干涉耳。

▲摩洛哥戰事 摩洛哥里孚人與法人間之戰事。久未解決。據六日巴黎陸軍部公報。言及東摩洛哥泰柴方面軍事。謂前忠於法國之某部落。忽然離貳。致里孚人得在第一陣線衝入。攻擊法兵。但法兵現佔領最優地位。以攻退敵人。此為殖民地戰爭中不可免之事。輿情幸勿為之震擾。又謂敵人數衆。而器械與戰略又非十年前可比。敵人進攻。呼應頗靈。陣線又廣。敵人且築戰壕。設鐵絲障礙物。故法人如遇困難而有退走及重行集合等事。聞者不可驚惶。因退走正所以籌備更猛烈反攻之道云。措詞雖頗蘊藉。但法兵之為里孚人所戰敗。已不可諱矣。

(二)國內之部

▲滬案交涉 滬案交涉。雖早決定移京。而我方竟以外交當局互相推諉之故。延至今日。尚未開議。不可謂非顛預誤國者矣。蓋特派顏王蔡辦理滬案及善後交涉事宜之明令。雖於二十七日晚頒發。而顏等中途忽焉提出變相辭職之呈文。此事之所以不能不停頓也。七月一日。外交委員會成立。是晚六時。沈瑞麟在宅邀顏王蔡聚餐。報告意使來告外圍議

決先議滬案直接問題。並交換意見。顏等鑒於外圍為英使操縱。任意遷延。內定僅允開議滬案一至五條。故要求先行確定交涉範圍。二日。三特派員會呈滬案不外治標治本兩端。關於治標請飭外部辦理滬案。以期駕輕就熟。其治本方法即關於修約者。顏等當就職責所在。勉盡力。冀建國家久遠之計。此呈似屬變相職辭。段乃與沈瑞麟敦勸三員。初無效果。外沈亦露辭職之意。段則雙方調停。四日府中會議。閣員外交委員均列席。以顏等始終要求決定交涉範圍。因議定外交程序分為三步。(一)先決滬案。(二)續議會審公廨工部局改組。(三)修改不平等條約。滬案由外部總次長與三委員同辦。但每次會議。三委員不必同時參列。可輪流分來。而修約一層。由三委員專辦。五日。外交委員會又開會。孫寶琦報告沈瑞麟與三委員商定。分第一會議。辦滬案交涉。第二會議。商修約交涉。劃清權限。若第一會議先開。恐外圍延宕。議決兩會同時開議。由該會準備材料。調查證據。對第一會。調查原因事實責任及賠償數額等四項證據。搜集五卅以來中外報紙。蔡廷幹曾宗鑑報告書。六國委員報告書。以作交涉根據。聞沈瑞麟對第一會議。除沈與曾宗鑑外。擬加入三委員之一。七日晚。沈宅宴三委員。討論交涉方針。段對王委員呈文。決下指令。仍着彙籌並顧。勉為其難。外沈亦即呈報分北交涉辦法。指令照准。一場推諉。至此方告一段落。而已虛糜一週之時間矣。

至外圍方面。聞已以六國委員報告為根據。連日趕編具體交涉方案。內容與我方十三條相差甚遠。且並擬向我反提要求條件。(一)關於廢事事實。(二)事實主因。(三)中國應負責任。(四)償還外人損失。(五)保證今後無排外事件。對於修改條約意法美三使。僅允開議滬案直接條件。其收回租界改組工部局案。俟第一步解決後。另由英日法美意比荷葡

八國派代表與外部交涉。六日午使團會議結果。反派意使赴外部。催議滬案。並質問外部。是否準備協商。聞之令人既愧且憤。新美使馬慕端。四日抵滬。七日午抵京。八日將出席外團會議。因須呈遞國書。故開議或遲至下星期。本週間雙方代表先行晤面。非正式交換意見。衆信美使既已到京。外交空氣將有轉變。但無論如何。苟我國外外交當局依然泄沓從事。則交涉鮮有不失敗者。可斷言也。

▲漢案交涉 漢案交涉。依然毫無端緒。蓋我方尚未提出要求條件也。英領事覆交署二次抗議。謂十一日晚事。華官不能切實保護租界。領團不能不自衛。除開槍外。無他法。嗣後請劃撥城池基地。許英人自由濬築。一遇暴動。即可閉城堵絕。以免開槍傷人。末謂設防開槍。均領團公意。請逕向領團抗議云云。交署乃送三次抗議。謂(一)肇事在英界。(二)調兵及發令放槍。爲貴領與貴軍艦長。(三)事後反提抗議者爲貴領。故來照請逕向領團抗議。礙難承認。至謂華官保護不力。語近架誣。劃地築城。未免滑稽。但措詞空洞。仍不過筆墨官司而已。惟租界警衛全撤。由中國軍警布防。蕭耀南二十八日乃令漢口軍警會議。嚴密華漢交界防務。七月二日。更召集各界會議。蕭允懲凶。賠償。道歉。撤軍四條。向英領盡力交涉。至收回英租界與廢約。當電京主持抗爭。決不讓步。日內再行通電。爲嚴重表示。四日下午五時。蕭在署歡迎鄧漢祥。鄧宗瀛。周澤春。並請李書城等七代表等作陪。關於漢案具體條件。有所商議。六日午。各法團開聯席會。政府及同鄉各代表均列席。討論漢案交涉具體條件。聞學生會外交研究會提出十條件。(一)撤懲英領及兇犯。(二)撤退英艦。(三)賠償傷亡損失。(四)收回漢英租界及領事裁判權。(五)道歉。(六)英聲明以後不得殺華人。(七)英商輪兵艦不得航泊中國內地。(八)收回關稅管理權。(九)內地英工廠應服從中國法律。(十)法除中英間不平等條約。第未經公同議決。正式提出。故不得視爲定論也。

▲粵港近況 粵省沙基慘案。粵政府正在交涉中。領團對要求五條。尙無答覆。伍朝樞接沈瑞麟電。請北上磋商粵案交涉方針。段以私人義電胡漢民。詢粵案真相及交涉辦法。胡漢民亦以私人義電段及沈瑞麟。謂沙面案英兵開槍。擊斃徒手民衆。華兵開槍。保護衆退。責在禍首。已由伍朝樞向英法領抗議。請一致向北京使團抗議云。兄弟鬩牆。外禦其侮。古有明訓。但粵政府決定以和平手段。進行交涉。而以廢除不平等條約爲終極之目的。認請求修改爲與虎謀皮。故北京政府外部之運議修改條約照會。當然不能爲粵方所滿意也。至於沙基商店。雖已忍痛開市。而沙面仍全罷市。租界與華界交通斷絕如故。戒備極嚴。七日。香港英國海陸軍及商團游行示威。九龍亦有印兵示威。香港罷工擴大。形勢係然嚴重。外輪大率停泊。華人離港者仍多。華文報紙完全停刊。小菜場亦停市。惟售牛肉蔬菜。係小販自九龍運往者。郵局員役。衛生局苦力。清道夫。電話公司華工。均早宣告罷工。機器工人。五日起一部分罷工。海軍船塢工人。六日亦有一部分罷工。聞香港罷工工人回廣州後。因一時乏款救濟。頗感困苦。每人除一枕一蓆外。他無所有。現省當局正各方籌募大宗款項。救濟工人。工人因激於義憤。不復顧及生計。毅然罷工離港。殊可敬焉。

▲上海工潮 上海自公共租界開市以後。租界戒備稍鬆。但罷工依然繼續。英日商家頗感痛苦。於是工部局乃有停供華廠電力之計劃。蓋所以謀壓迫華人。打破其罷工計劃者。無微不至也。工部局電氣處兩次通告中國工廠各大宗用戶。即將停止電力供給。中國各廠雖竭力設法。

並由交涉使派員交涉。均歸無效。各紗廠及南洋烟草公司及開北商務印書館等電線。於六日起一律割斷。華商各紗廠均已停止工作。失業工人驟增六萬餘人。紗廠聯合會電請政府向外團交涉。交易所方面已將紗花兩利交易暫行停止。集會現紗市價飛漲。南洋烟草公司則正在設法購置煤油發電機。以期維持現狀。工部局一面不顧多數華工之失業。毅然實行割斷電力。一面因恐失業工人有所擾騷。對於日前已許分班歸宅之商團。又於是晨七時發非常召集令。宣布特別戒嚴。至各界救濟方法。則有建議開北電力由威墅堰振華電廠接送。或由南市電氣公司供給。南市電氣公司則願但任法租界之送電。請工部局以供給法租界者移諸開北。開北各發電機可移置租界內華廠。如此辦法。詢屬良謀。設工部局果為工人罷工。電力不足而停止供給。則理應容納此項救急辦法。不然。是無異工部局有意與華廠為難也。雖然。吾國民此次運動。本宜出之於堅忍刻苦。期其持久。則挫折之來。正所以磨鍊其毅力。聞商界對於洋棧存貨。擬按五卅以前之提單為標準。按件出貨。值百抽二。救濟罷工工人。但求罷工者得所救濟。國貨提倡能收實效。則交涉縱失敗。而國民之團結力與組織力。未始不可因此次事變而有顯著之進步也。至若南京利記洋行工潮。英人率領工人。為索一買辦羅某。而將警務處長王桂林踢傷。並毆傷警士二十餘人。則適足以更顯英人之橫暴耳。

▲北京政聞。國民會議選舉程序令。既於三十日公希。七月一日又下令。國民會議初選定八月十六日至三十一日。複選九月一日至二十日。得展緩十日。國民會議籌備處且通電各省。區限八月十五日前將選舉手續籌備完竣。段執政將以此事能否實現為異日去就之標準。聞馮玉祥蕭耀南方本仁等。均已覆電遵辦。惟張作霖尙無表示。乃段氏之所最

懸念者。此外則國憲起草。段氏亦認為要政。業於四日選聘梁士詒。林長民。李家駒。章士釗。黃郛。汪榮寶。湯漪。江庸。余榮昌。姚震。施愚。汪有齡。馬君武。徐佛蘇。方樞。劉恩格。江亢虎。齊振林。梁龍。林行規等二十人。為起草委員。並通電各省區催派。委員會定八月一日開幕。聞張作霖亦已表示可以選派矣。

▲金佛郎案。法國庚賠金佛郎案。近忽死灰復燃。法庭有偵查之舉。地應檢察官楊士毅呈總檢察廳。請撤查金佛郎案收支情形。總檢所即派檢察官赴各銀行。查金佛郎案帳目。梁鴻志因呈請派員查辦。有無分潤。章士釗亦以外傳受賄。呈請派員查辦。此中内幕。恐尙夾有政治作用也。惟法國庚賠之金佛郎案。今雖依法偵查。而比利時。意大利。西班牙三國之金佛郎案。反又有業已解決。下星期簽字換文之說。聞解決辦法與中法成案同。惟以滙兌或有盈餘。作我國借款。計華幣比二百四十萬。意三百七十七萬。西班牙八十萬。李思浩向滙豐抵借六百萬。悉付奉餉云。

▲天津會議。天津會議。自盧永祥抵津。與張作霖一度接洽後。二十九日入京謁段。談蘇皖事。段以諸事均待與張而商。派盧二日赴津迎張。盧三日派陳調元。咸致平入京復命。報告與張接洽情形。謂張對國民會議。遵命促成。其他問題。亦可確定。盧氏又於五日午回京。復命。津議重委問題。有改革餉制案。皖督魯長人選案。內閣制案。聞內閣制純係段最近通電反響。張作霖恐國民會議選舉。如期不成。段氏引咎下野。故預設內閣。請梁士詒出山。俾相當時期。可以攝政。是張氏不敢担保國民會議之必成。可以想見。盧氏五日見段。報告天津會議。決定鮑貴卿督皖。吳炳湘皖長不動。張宗昌魯長內閣制。因梁士詒與當局難合作。不再提。對國民會議。可為有條件的促成。段聞言。頗感不快。又外傳盧永祥將任長江下


游總司令。統轄蘇皖。張學良督蘇。但無有證實。盧以張作霖所提要求。段尚未盡容納。故出京行期展緩。日來感冒。擬赴香山養病。必得請而後已。張作霖因此有九日回奉說。段張間之不甚融洽。又可臆測而知也。至於江浙問題。則奉方固力辯奉軍駐滬。決不對浙。盧永祥亦謂凡蘇境奉軍。均備開徐州以北。但邢士廉旅除外。孫傳芳部退出蘇境。正商辦法。可望解決。必無戰事。是一時當不致有何變化。魯長則龔積柄已於一日交出印信。由張宗昌暫兼。今津議奉張業已承認。七日閣議亦已通過。當不成問題矣。

▲粵省政局。自楊劉覆敗。廣東革命政府。基礎漸固。應時勢之轉變。獨裁制之大本營。遂改組為委員制之國民政府矣。七月一日。大本營及省公署。均停止辦公。改組國民政府。午刻。國民政府正式成立。各委員齊集公園。對人民宣誓就職。各界列隊赴會者。十餘萬人。國民政府當於是日發表宣言。勸告國人努力於國民革命。務期開成國民會議。發展平民政治。政府委員。十六人。汪精衛。胡漢民。廖仲愷。蔣介石。許崇智。譚延闓。朱培德。戴季陶。徐謙。于右任。張繼。孫科。伍朝樞。古應芬。程潛。林森等。推汪精衛為委員長。又汪精衛。胡漢民。譚延闓。許崇智。林森為常務委員。特任胡漢民。外交部長。廖仲愷。財政部長。孫科。交通部長。許崇智。軍事部長。除謙。司法部長。兼大理院長。徐未到任前。林翔代理。推定謝持。林祖涵。黃昌穀。甘乃光。陳秋霖為監察院委員。徐謙。鄧澤如。鄒魯。林雲陔。林翔為懲吏院委員。廣東省政府設七廳長。軍政。許崇智。民政。古應芬。財政。廖仲愷。建設。孫科。商務。宋子文。教育。許崇清。農工。陳公博。三日午刻。在公園成立。七廳長同時就職。並公推許崇清為主席廳長。發表宣言。列舉省政方針。(一)靖匪保民。(二)廢除一切苛細道稅。(三)禁絕烟賭。(四)整頓吏治。

實行黨的考試制監察制。(五)實現地方自治。(六)整理水陸一切交通機關。(七)發展工業。(八)保護農工。逐漸提高其地位。(九)實現教育權獨立。至於市政府則。市委員長伍朝樞。與財政。公安。工務。衛生。教育九局局長。均於四日午在第一公園宣誓就職。市委員會亦即日成立。廣東政之至此告一段落。此後能否按步就班。實行其政治計畫。須以委局自身之努力與環境之是否絕無變化卜之矣。

■最小之鼠

倫敦動物園。有非洲西部之薊白利。小鼠多頭。其體積較蜜蜂尚小一倍。每火柴盒中可置二頭。當將抵倫敦時。在船上失去十五頭。未會尋得云。



曲譜 (三十一)

二北

陳德和丘士元皆不詳其履貫。涵虛羣英格勢一篇。元人中以二人爲殿。此外則二人之名絕不見於他書也。惟羣玉卷三首列陳氏十詞。卷四末列丘氏八詞。丘詞庸而陳詞否。十首乃落梅風雪中十事也。信筆所之。似率而實淡。如浩然騎驢云。「窮東野。忒好奇。凍得來戰欽欽。地待吟詩滿前。都是題偏這。灞橋驢背。」泛剡王猷云。「乘雪夜訪故人。剡溪冰短篷難進。凍歸來怕人胡議論。強支吾道興來盡還。」非務尖新。只偶爾涉想如此。便隨意涉筆如此耳。又如袁安高臥云。「身貧暴志趣高。羨袁安那時清操。縱如今閉門僵睡著。道是儘教他忍寒乾傲。」因在上者不必賢。遂爲今日之如邵公者危。則感慨多矣。

以上七人外。又有任則明。周仲彬。李致遠者。亦皆散曲家。諸書雖分見其套曲。而小令則惟羣玉有之。且多者至五十餘首焉。則明名昱。少年狎游平康。以小樂章流布裙釵。晚乃銳志讀書。亦見元詩選癸集。張小山曹明善皆與同時。每有唱酬。雅孚蘭臭。如紅繡鞋春情曰。「暗朱箔雨寒風峭。試羅衣玉誠香銷。落花時節。怨良宵。銀臺燈影淡。繡枕淚痕交。團圓春夢少。」使樊榭輩得之。必不勝驚喜矣。

仲彬名文質。與鍾醜齊莫逆。故鬼簿紀其生平較詳。羣玉列仲彬小令四十四首。余最好其落梅風情詞兩闋曰。「眉間恨心上。苦口難言。把脚根兒分付鳥靴上。半痕鞋下土。忍輕將袖梢兒揩去。」鞋語傳情。泥痕珍重。

癡迷無賴。兩極其妙。「鸞鳳配。鶯燕約。感蕭娘肯憐才貌。除琴劍。又別無珍共寶。則一片至誠心。要也不要。」掬出肺肝。炙手騰躍。抒情之作。真厚如是。蔑以加矣。醜齋許仲彬以新奇。猶未能盡也。

李致遠仕履未詳。有還牢末一劇。見元曲選。楊選諸套。光采未鳴。羣玉令詞廿六闋。則頗輕圓朗潤。涵虛謂如玉匣昆吾。似乎有其精采。而無其寒威也。如天淨沙春閨云。「畫樓徙倚。闌干粉雲吹。做修鬟。璧月低懸。玉彎落花。懶慢羅衣。特地輕寒。」小桃紅碧桃云。「穠華不喜污天真。玉瘦東風困。漢闕佳人足。風韻。睡成痕。翠裙。翦。翦。瓊肌嫩。高情厭春。玉容含恨。不嫌武陵人。」擬以張雲莊之玉樹臨風。反無愧色。則涵虛評林。張冠李戴。顛亂未稱。有如此者矣。

有趙文寶者。雜劇家也。鬼簿云。善慶字文寶。又別作趙又寶。名孟慶。饒州樂平人。善卜術。任陰陽學正。涵虛許其詞如藍田美玉。其人雖非羣玉所專有。而其散曲則今日舍羣玉外。亦別無見處。有沉醉東風。秋日湘陰道中曰。「山對面。藍堆翠。岫草齊。腰綠染沙洲。傲霜橘柚青。濯雨蒹葭秀。隔滄波。隱隱紅樓。點破滿湘。萬頃秋。是幾葉兒。傳黃敗柳。」必如是。饒蕭疏之韻。然後當曲林正選。是則明致遠之所短也。

鍾嗣成字繼先。號醜齋。大梁人。累試不第。視從吏不屑爲。至順元年。成錄鬼簿一書。評紀有元一代之曲家。自著雜劇七種。小令見太平鬼簿諸書。

益以羣玉之二十首。乃得五十九闕。若數奇俊。必推羣玉醉太平三首之
二「俺是悲田院下司。俺是劉九兒宗枝。鄭元和俺當日拜爲師。傳留下
蓮花落稿子。擲竹杖邊。遍爲花市。提灰筆寫就鴛鴦字。打交槌唱會鷓鴣
詞。窮不了俺風流敬思。」寫此輩下場。全用其自家掌故。亦嘲亦諷。頗資
嗚噓。又曰「風流貧最好。村沙富難交。拾灰泥補砌了舊磚窰。開一箇教
乞兒市學。裏一頂半新不舊烏紗帽。穿一領半長不短黃麻襖。繫一條半
連不斷皂環纒。做一箇窮風月訓導。」風月嘲弄。元曲中極盡詼詼。只一
金盡窮途。亦爲作種種設想。推波助瀾。若是其餘。亦可想見矣。

鬼簿所登。凌波曲挽詞。大抵典雅沉摯。是令曲中別具格調者。可以諸亦
可以莊。斯曲體之所以廣大也。舉弔陳以仁作。以見一斑。「錢塘風物盡
飄零。賴有斯人尙老成。爲朝元。恐負虛皇命。鳳簫寒。鶴夢驚。駕天風。直上
蓬瀛。芝堂靜。蕙帳清。照虛梁。落月空明。」

羣玉首登劉時中樂府。時中名致。號通齋。洪都人。一謂石州甯鄉人。任永
新州判。歷翰林待制。出爲浙江行省都事。而卒也。竟貧無以葬。其散曲楊
選登十六令。三套。而羣玉登五十一令之多。其中同見者。不過五首而已。
時中詞派近東籬。而亦能爲小山之雅。楊選所攝。不若羣玉精審。如朝天
子云「瘦瓢帶糴。將甕裏浮蛆。百氣氤雙頰。絳潮春色添多少。稚子牽
衣。山妻迎笑。急投牀。脚健倒。醉了睡好。醉鄉大人間小。」山坡羊與郎明
谷孤山游飲（郎字恐誤）云「詩狂悲壯。杯深豪放。恍然醉眼千峯上。
意悠揚。氣軒昂。天風鶴背三千丈。浮生大都空自忙。功也是。謊名也是。謊
「燕城述懷云「雲山有意。軒裳無計。被西風吹斷功名淚。去來會便休。
提青山儘解。擡人醉得失。到頭皆物理。得他命裏失。咱命裏。」西湖醉歌
次郭振鄉韻云「朝朝瓊樹。家家朱戶。驕嘶過沽酒樓前路。貴何如。賤何

如六橋都是。經行處。花落水流深。院宇閑。天定許。忙人自取。」皆儼然東
籬之疏放浩渺。而皆見於羣玉者也。

總之。舍喬張二家三百首外。羣玉同於楊氏二選者。僅有東籬時中之詞
六首。餘三百二十首。內儘多深刻奇俊之作。數百年來。端賴此玉以傳。謂
非藝林之鴻寶歟。瞿匄先生近有奢摩他室曲叢之印行。祕本大抵入目。
而茲編獨不與。憾矣。

以上刺取元以來散曲令詞。粗事旦評。不無畧分之辭。亦多阿好之論。資
笑而已。未能成書也。綜其所引。可係以三十五目焉。曰殘元本陽春白雪。
曰樂府羣玉。曰雍熙樂府。曰北曲拾遺。曰青樓韻語。曰貫雲石徐再思酸
甜樂府。曰汪元亨小隱餘音。曰喬吉曲。曰張可久曲。曰沈仕唾窗絨。曰王
驥德方諸館樂府。曰馮惟敏海浮小堂詞稿。曰王磐西樓樂府。曰金鑾蕭
爽齋樂府。曰梁辰魚江東白苧。曰施紹莘花影集。曰劉效祖詞樹。曰唐寅
曲。曰女曲家。曰清初喬張曲派。清人散曲偶評。曰元人詞集中散曲。曰北
詞廣正譜中令詞。曰堯山堂外紀紀曲。曰堅瓠集紀曲。曰說部內附曲。曰
舊雜曲語。曰揚州一半兒。曰散曲中之西廂。曰俳體。曰曲之譏嘲。曰纖瑣
頹目。曰曲中用兒字。曰南北之分。曰曲律。其他選編別集。筆記雜書。儘多
清妙。未暇徧徵。則俟諸續篇。未爲晚也。

（完）

北戴河之一瞥



北戴河在直隸臨榆縣（今劃歸奉天）西六十里。原名戴家河。出水平綫四百尺。明季海運。帆檣踵接。頗有名於時。而臨渤海。與秦皇島遙遙相望。



狂風之險。山中多松柏。水亦甘冽。於避暑納涼最宜。外人遂傳為秦皇島之附庸地。仍認為通商口岸。構別墅消夏者紛至沓來。大府迭有抗議。迄

北戴河海濱車站

清季有英教士名甘林者。建屋於濱海之山頂。居民遠以外人築砲臺報大府。時督直者為合肥李鴻章。趣檄所管查報。果見甘林之新建築。據以復聞。李因飭開灤鑛務總辦張翼。盡圈沿海岸諸地入官。以杜外人覬覦。至今該處地產多成張氏私有。蓋當時利用官力所致。時又議開商埠。置稅關。金山嘴之燈塔已成矣。會以測勘結果。水淺不宜於開港。乃卒罷議。顧以其地灘淺而沙細。灣港環抱。無巨浪

未解決。北戴河之名。漸盛傳於旅華外人間。庚子之役。居民盡燬。外人住所。聯軍入京。德兵竟分隊直入北戴河。據蓮花石占地屯兵。儼成膠州灣之續。幸一九一四年後歐洲大戰。吾國參加戰團。德人敗衄。因得收回主權焉。

北戴河海濱之浴所



之創造。迄今華人之避暑而來者不下八百戶。公益會之佈告。散見於林

北戴河之發達。緣於外人之拓地避暑。故海濱建築。純是歐風。自民國八年許世英氏長交通。從北戴河車站。增拓支綫。直抵海濱。約二十分鐘可達。自是交通益便。國中富商達官。亦多於此購地建屋。作消夏計。民國九年朱啓鈴吳鼎昌等。且約集旅居諸寓公。成立海濱公益會。以朱為會長。創制公約。進行自治。道路之平治。公園之建設。胥由分益會集資經營。宛若新村

谷海濱中。即居留之外國人亦遵守弗渝。氣象蓋極爲靜穆。北戴河爲新闢之名勝。殊無古蹟可尋。全部海岸東西不過十餘里。西部有三小山可以登臨。是爲西山遙望。昌黎縣山脈蜿蜒。直至山海關。氣勢頗壯。東部則大抵爲平原陵谷。雖有東山之名。實祇一二土丘。金山嘴突

北戴河之夏會



出於東部海灘。俄國教堂與燈塔在焉。燈塔久經傾廢。公益會以係該地惟一之舊蹟。前歲公函總稅務司安格聯加以修理。今亦僅免頹塌而已。由金山嘴東北望。則秦皇島在於對岸。船舶歷歷可辨。更沿東北海岸行。則至鴿子窩。舊多鴿巢。以其有山丘屏障。足以蔽風。鴿子乃羣集於此。近以人烟稠密。鴿窩亦已遷徙。斯地極低。有巨石翼然立水中。水清可鑑。貝殼細石俯拾即是。小立石上。則涼氣入心。

脾快感不可名妙。秦皇島隔一衣帶水。尤有咳嗽相聞之雅。沿此北進。可以步抵該島云。

以風景言。西山勝於東山。以居住便利言。則東山人口較多。市場較便。且舊式房屋與土民住宅。亦惟東山尙可見及。至西山則概爲西式別莊。山有上蓮花石。中蓮花石。下蓮花石之稱。上蓮花石有公園。依山結構。林石秩然。亦有可觀。園內有碑。刊徐世昌之題蓮花石詩七絕二首。其背陰則朱啓鈴撰許世英書之蓮花石公園記也。徐詩如下。

金山嘴燈塔




海上濤頭幾萬重。白雲晴日見高松。蓮花世界神仙窟。孤鶴一聲過碧峯。漢武秦皇一剎過。海山無恙世云何。中原自有長城在。雲壑風林獨痛歌。

北戴河灘闊而水淺。宜於游泳。避暑客之多。此亦一因。願游泳季節。大抵在盛夏入伏以後。余至海濱。係爲舊歷五月初九日。雖在日中。猶未見海

上有泳水者也。東山建築多爲極舊之西洋式房屋。西山則建築略佳。然華美者亦不多觀。惟吳鼎昌君

之別墅。面海背山。建築堅實而精美。足爲全地之冠。以視歐洲著名消夏地。設備之完全。建造之華麗。景象殆有天淵之別。以該地情形察之。今後發達。方興未艾。若能仿照外國名勝地辦法。於設備上力求適合外人嗜好之計。則夏秋兩季。吸收旅客必益加多。於地方財政土民生計。所裨均不在少。此則吾於游覽北戴河之後。不勝其拳拳致望者也。



荔枝雜話

笑菴

荔枝爲菓品中之優秀者。比已成熟上市。不佞嶺南人。年年此日。飽啖不厭。顧今者。栖遲春申。故鄉風味。祇付諸夢寐中。明月依依。低首徘徊。爰述舊痕。聊飲同好。

荔枝原稱離枝。司馬相如上林賦。曾具言之。殼紅如鷄冠。故又名丹枝。

荔枝產於福建、四川、廣東、廣西、台灣各地。以粵產最佳。粵中發現荔枝。蓋二千餘年矣。

昔人論斷荔枝。東坡詩。日啖荔枝三百顆。不妨長作嶺南人。張九齡荔枝序賦。有百果中無一可比之語。歐陽修亦謂牡丹爲花中之王。荔枝爲菓中之王。晉書。武帝紀。咸寧二年六月癸丑。荐荔枝于太廟。宋蔡襄撰荔枝譜。備言護養法。製種類。陸游詩。釣魚斫銀絲。擘荔枝見玉膚。杜甫詩。輕紅擘荔支。詞品載。楊貴妃生日。新曲乍奏。以荔枝香名曲。以示愛荔枝之意。凡此皆荔枝見重于古今南北之一證也。

粵省荔枝產額。年約自一千五百萬斤至二千萬。千價格約值二百萬餘元。

粵中荔枝。每當盛夏。山涯水濱。遍地皆是。以增城、東莞、鶴山、南海所產。最富最美。

廣州荔枝灣



增城以掛綠名。掛綠又爲粵荔之特產。亦嶺南之特品。產地在城之西庵。有清時。被官廳封作私物。常人可望不可即。今則絕種矣。蓋西庵祇有二

本。官廳徒知封作私物。不知愛護栽養也。

掛綠實大肉多。核小如豆。其色上綠如翡翠。下紅如丹砂。遠望如掛綠于樹梢葉底間。故以掛熟名。成熟期爲暑夏六月。香飄十里。嬌豔欲滴。

東莞產名公領孫。每蒂並頭。一大一小。作公挽孫狀。故以公領孫名。味清肉香。亦珍品也。

鶴山以桂味著稱。相傳東坡謫儋州時。道過鶴山石螺岡。鄉人

饗以荔枝。東坡啖之。盤提十餘日始去。蓋美其味。必飽始行。今岡上有坡亭。卽其紀念也。

南海之佛山。著有妃子笑。亦粵荔之妙品。但產額甚鮮。故市上罕見。荔枝春間開花。花作黃白色。夏四月成熟。熟時。乘首俯視。嬌紅可掬。亦有至五六月始成熟者。內淡白如脂。味甘而香。汁量甚富。夏時可供作飲料。植荔枝法。以接枝最易繁生。接法有五。一身接法。二皮接法。三捲接法。四枝接法。五鞍接法。其手術則先于母樹之適宜枝條。在軟芽之部。用刀將皮層圍割去。旋以泥草混裹之。再以稻草或在葉包裹其外。數十日後。便能生根。尋移植于稍陰之地。遂成新株。但宜闊宜肥。缺一不可。肥料應預行準備。接枝之期。大都在春分前秋分後。以此時氣候。最適于荔枝生長也。若非取用接枝法。則荔枝成熟。核大肉薄。實小味酸。便為下乘之劣品。

荔枝名稱甚多。究是好事者。故為杜撰否。未可深知。粵中所習聞者。略錄如次。以人名名者。陳紫。紅綠。玉真子。十八娘。以物名者。玉荷包。驪珠。海底月。金鐘。牛心。龍牙。蓮花。幢。紫玉環。玉帶。東美人。以官階名者。狀元紅。大將軍。小將軍。以時名者。三月紅。四月紅。七月紅。八月紅（中秋紅）以色名者。掛綠。黑葉。山丹。珀光。玳瑁。大山。虎皮。青荔枝。黑荔枝。銀荔枝。黃袍子。水晶球。五色荔枝。至于妃子笑。明月珠。並頭歡。桂味。槐枝。鳳爪。長生。棗。秋露。紅海棠。秋玉。露霜。糯米糍。牟尼光。公領孫。花草春。名目繁雜。不勝枚舉。荔枝佳處。以色味質三者皆美。然雖久藏不變。苟去其梗。則嬌紅之色驟變。越三日。亦隨變更。越一二日。芳香之味。又從以消滅。故荔枝之珍藏。實一難解決之問題。

廣州荔枝灣。位處西廓外南。出白鵝潭。北達彩虹橋。原為南漢宮之昌華苑。趙佗王粵時。窮奢極麗。建尙漢宮于廣州市之中心（即現在之財政廳）與拱北樓相望。又於西廓外築昌華苑。以為宴遊之地。自南漢宮至

昌華苑。迢遙數里。佗亦築專路相通。後人以其建築能力。頗為偉大。遂盛道之。今者南漢宮因拆城築路。已無形影可尋。昌華苑亦廢作民居。無復當時色相。

荔枝灣之風景。嚴格論之。絕無可取。祇一小河。河有洋舫（小艇）數葉。每當炎夏。稍堪消暑。絕無天然。或人取工美術點綴。其所以能引都人士之流連者。以廣州俗塵萬斛。求一清涼地方。良不易得。而荔枝灣乃一河兩岸。差強人意。視諸江南勝景。直不足齒數也。

荔枝灣有荔枝園數家。佈置略佳者為荔香園。該園除荔枝樹數百本外。尚有一大蓮塘。荔枝成熟時。蓮花亦綽約生姿。故游者頗眾。然游荔枝灣。羣衆具乘涼或雅興觀念者甚鮮。大都為王孫公子。走馬看花。淫娃蕩婦。賣弄風情。故自愛者不復涉足其間。且有引為詬病者。至於軍士載途。游客被妒。此年尤多。多觀王孫公子。淫娃蕩婦。亦告減少。故虛有盛名之荔枝灣。益興寥落之感。蕭條之狀。

啖荔方法。不佞於粵時。我習為者有三。荔枝味質最佳時期。厥維初摘下之際。以絕鮮絕甘也。然尤莫佳於晨荔。蓋清晨之頃。露露滾滾。荔枝所得於天賦之正氣。晶靈之純美。重以絕鮮絕甘之味質。其珍貴可知。既摘。下投諸珍水。浸一小時。然後輕輕。擘啖。圓潤幽滑。芬芳馥郁。既沁心脾。亦香雙。倘連啖數百顆。口口是肉。殆胡麻飯不啻也。然此必於鄉間荔枝園中方可得之。城市無此清福。此其一。出荔枝灣海口。越粵漢鐵路橋下。以一葉扁舟。於斜陽西墮時。渡至對岸。荔枝亦繁。低首海面。則取其對明。月珊瑚。遲來與涼風習習之荔枝林下。艤舟集宴。隨描隨啖。或坐而看書。或臥而枕流。謝絕人世喧囂。非俟夜涼不去。此為地利的啖荔清福。此其二。時或酷暑。未易出門。則購務上市之桂味。藏之以冰。候其肉胞香濃。徐取以啖。亦極可口。此其三。然而昔年生活。杳不復得。關山難越。清福莫償。翹首天南。徒為悄然已耳。



家庭醫學常識

余愚

(七)急性鼻炎

▲原因 本症亦稱急性。鼻感冒。有為特發性者。如冒寒。鼻道受傷。塵埃。及有害氣體之侵入等是也。有為續發性者。為各種傳染病中之一種症候。如流行性感。冒。百日咳。麻疹。咽頭炎之波及等是也。又有因枯草之花粉。誤入鼻道。或精神感動等而發者。往往甲發本症。而乙亦隨之。似亦有傳染性質。

▲症候 本症之發。始則噴嚏。全身不舒。而發輕熱。繼則兩鼻道起更代性之閉塞。(左通則右塞。右通則左塞)或兩鼻道完全閉塞。而以口呼吸。前額壓重。鼻粘膜紅腫。分泌過多。而稀薄。若水漿狀。嗅覺減退或消失。鼻咽腔乾燥。癢。有異物之感覺。聲音與尋常不同。總帶鼻音。若哺乳兒患此。時發危險症狀。蓋因鼻呼吸障礙。則不能哺乳。或併發氣管枝粘膜炎故也。發症約經二三日後。分泌物乃漸濃厚。有如膿狀。量亦減少。鼻道漸次疎通。嗅覺恢復。身體亦舒。

或有病勢消進。由咽上入鼻腔。下至喉頭。氣管。及氣管枝。而發生氣管枝炎者。然甚罕見。

▲治法 在成人往往不加療治。即能痊可。但總宜內服藥劑。促其速愈。內服藥。以用發汗清熱劑為主。如撒利必林。安替派林。安替飛李林。飛那西汀。撒利矢爾酸曹達。阿司匹林。匹藍蜜藤。奴佛根。米格來甯等。可選用之。均能藥到病除。局部療法。為鼻腔撒布藥。噴霧藥。軟膏塗布等。可參看慢性鼻炎條下之處方。此外如哈肯氏。拍拉圖氏之吸入藥。(見處方第十第十一)亦所常用。

▲處方 (一)撒利必林一。○。右為一次量。與以三包。一日三次分服。(二)安替派林○。五至一。○。右為一次量。與以三包。一日三次分服。(三)安替飛李林○。三至○。五。右為一次量。與以三包。一日三次分服。(四)飛西汀○。五至一。○。右為一次量。與以三包。一日三次分服。(五)撒利矢爾酸曹達。(即水楊酸

曹達)一。○。右為一次量。與以三至五包。一日間分服。(六)阿司匹林一。○。右為一次量。與以三至五包。一日間分服。(七)匹藍蜜藤一。○。乳糖二。○。右分三包。一日三次分服。(八)奴佛根一。○。右為一次量。與以三包。一日三次分服。(十)石炭酸五。○。苛性安母尼亞液五。○。再溜酒精一五。○。溜水一○。○。右滴十滴於濾紙。令吸入之。(十一)一。○。重炭酸曹達二○。○。○。食鹽水二○。○。○。薄荷油一滴。右為小兒之吸入料。或用二。○。之硼酸水亦可。(十二)二。○。硼酸羊毛脂。右為鼻腔塗布料。





中國影片新評

心冷

(十九) 摘星之女出品者長城畫片公司
長城畫片公司「摘星之女」片於七月二日
假中央大戲院試演片長十本編者侯曜導演
者為李澤源梅雪儔全劇主旨在描寫軍閥之
專橫與夫婚姻問題之波折對戀愛問題頗有
所攻擊茲為評述之以供各界之討論

△劇情 畫家馮月影與白秋霞女士善一日
馮為白寫「摘星之女圖」於海濱薄暮偕歸途
遇兩少年一為陸軍師長武虎威子武能一為
民財銀行行長子金通武能見秋霞涎其色歸
與金通謀通囑能伴病以挾父母已則謀得能
妹碧如以為報翌日能伴病通則為述心事於
虎威虎威初以秋霞父白楚臣為其下屬不願
締婚嗣經能母之勸乃使副官陳茂為謀往說
楚臣詎白楚臣達人不欲以兒女姻事作情面
犧牲遂婉辭謝絕虎威得報知婚難諧大怒從
陳茂言往查賬目結果發覺楚臣於餉項中虧
五萬元立命拘禁楚臣平日持躬清廉所虧款
項盡貸與某縣紳作遣散潰兵維持地方安甯

之用言明三日歸還及期未返楚臣因以入獄
至是陳茂往見秋霞母女謂秋霞果願為師長
子媳則楚臣可望無罪秋霞聞此焦灼異常蓋
「生父」與「情人」究以犧牲何者為是殊難解
決次日月影訪秋霞
囑往救楚臣已則携



加調護始告痊可於是一雙璧人遂成佳偶
△演員 飾白秋霞者為王漢倫女士對月影
則嬌柔嫵媚對武能則冷若冰霜既聞陳茂以
阿父獲罪為要挾於是對楚臣及月影肖像凝

「摘星之女圖」飄然
竟去嗣虎威復以楚
臣生命要挾秋霞霞
秋不忍見父之苦痛
遂允婚武能惟楚臣
則因此憂憤成疾月
餘而死秋霞至此向
法庭訴請與解能約
不幸敗訴憤而自殺
得救未死惟面部受創癰疽難除武能以其有
損美觀自動退婚另戀其表妹王月娟至月影
既別秋霞即流浪於三竺六橋間困頓而病秋
霞偵知之往跡焉至則月影已奄奄一息矣幸

視把玩表現胸中
兔起鶻落情狀描
摩入微飾馮月影
者為夏雷電與秋
霞交好時則溫存
體貼隻身出走後
則淹倒落拓描摩
失意人情態極得
精神飾武能者為
劉繼羣描摩富家
子弟浪蕩逍遙以
及玩弄女性之仗
威者為顧影描摩
仗勢欺人之軍閥
派頭極似而其兩
目之表情尤能顯
露其陰刻之個性
飾白楚臣者為刑
少梅描摩光明磊
落男子亦有

精彩。他若飾武妻之陳疑夢。飾金通之任影秋。飾陳茂之包夢蛟。飾方氏之丁芳。飾杜夢白之沈強。飾武碧如之火美麗。飾王月娟之王慧冰。均無大疵。

△優點 佈景方面內景則富麗堂皇外景則風景絕美。攝影光線清晰。饒有美趣。楚臣月影肖像之由定而動。秋霞榻前之鬼影。與夫武能幻想中之秋霞等幕。尤足顯攝影藝術變化之能事。最後月影秋霞結婚。相與登舟。方欲接吻。爲舟子笑聲所驚。以傘相障。尤見活躍輕靈。足供觀衆甜密之想像。月影客中驚夢。爲「金錢」「武力」所厄。令人深省。字幕亦較「棄婦」爲改善。△小疵 (一)軍官之服裝。似嫌太簡陋。有失身分。(二)陳茂見武虎威。應行軍禮。不覺脫帽鞠躬。(三)白楚臣在女兒婚姻初提時。卽而露愁容。似嫌過早。(四)月影離家遠去時。英文字幕上謂「我明日當離此……」但事實上則月影說後提箱便走。似嫌唐突。(五)秋霞自殺。係用剪刀刺喉未死。傷面及頭。但以剪刀之大小論。則刺時縱未及喉。亦祇應傷及頰部之一面。決不能左方傷頰。右方傷頸。似與事理乖違。重以全片言。則較諸前出「棄婦」有顯著之進步。不可謂非中國影片界之幸運也。

步。不可謂非中國影片界之幸運也。

(二十)重返故鄉 出品者上海影戲公司。上海影戲公司新片「重返故鄉」。五日試演。於夏令配克戲院。全劇含哲學意味。對女子痛下砭針。攝影配光。尤有研究。洵爲國產影片中不可多得之作。觀後有所感。誌之如次。

△劇情 有鄉村女子名「素女」者。明眸皓齒。碧玉年華。暇則濯足清流。垂釣爲樂。其母曰「光陰」。生女五曰「虛榮」「貞節」「青年」「美麗」。而「素女」居長。「虛榮」慕都市之繁華。欲入城一遊。說「青年」「美麗」。巧爲所動。又約「素女」亦允之。白於母。初不許。繼則與「貞節」同往。寄寓姨母家。以三十日爲期。四女大喜。因其邀「貞節」料理衣裝。相偕至姨母家。姨母曰「溺愛」。姨父曰「懦弱」。爲城中巨富。姨母好交際。居大廈。服飾奢華。子曰「金錢」。尤揮霍無度。其子之友曰「諂媚」。曰「引誘」。終日隨之。徵逐過從。至密。惟猶子曰「誠懇」。家貧志潔。爲一西洋派畫師。月恃乃叔之津貼。補其不足。當五女至姨母家時。「金錢」方徹夜飲博。高臥正酣。五女以姨父之介紹。得識「誠懇」「貞節」。因與之臭味相投。頗器重之。及「金錢」出見。警五女之美。倍形親熱。「諂媚」等其喜可知。

姨母以「素女」慧。欲娶爲媳。款待至。惟以村妝不入時。爲之廣置衣飾。自此濃裝豔抹。大非昔比。「貞節」則仍淡裝粗服。不隨流俗。「懦弱」素懼內。奉妻命惟謹。「溺愛」放縱「金錢」。任其所爲。因之俱樂部中時有「金錢」與「素女」等之足跡。有老人名「色慾」者。日在俱樂部。其目的則獵豔也。見「素女」大喜。欲狂力挽「引誘」等爲之介紹。許以重酬。時「虛榮」與「引誘」兩心相印。「青年」亦爲「諂媚」所惑。雖有「貞節」持正不阿。殊不能制止其姊妹之行動。某日五女參觀「誠懇」畫室。從「貞節」之主張也。「虛榮」等嫌其寂寞寡歡。連袂欲去。「貞節」與「素女」玩賞不釋。「誠懇」乃約「素女」遲日爲其繪像。及期而往。「素女」化粧爲嫦娥。「誠懇」正對之描寫間。忽「金錢」踵至。怒斥「誠懇」。並云將絕其津貼。挾「素女」等俱去。時「誠懇」有友曰「俠義」。在座阻之。亦爲所辱。「素女」爲「金錢」無理干涉。頗滋憤怒。經「金錢」甜言蜜語。復爲所惑。「金錢」又允爲「素女」大開壽筵。「素女」益悅。越數日爲「素女」誕辰。賓客滿堂。紙迷金醉。備極熱鬧。旋「美麗」因飲酒過量。病卒。「貞節」力勸「素女」勿太放縱。爲「金錢」所聞。蜜囑「虛榮」誘「素女」出外。而將「貞節」幽

治』。懼棄之而遁。『素女』子然一身。俯仰身世。倍增悽惻。因思入山避世。以終其身。至一古廟。駕祀佛像。頓覺心地光明。回首前塵。都如夢寐。一旦大覺。而幽室中之『節貞』亦得脫險而出。『素女』經此一番教訓。恍然知都市之不可久留。乃重返故鄉。

嬌亦慧。始終是不解憂樂。賀蓉珠飾「貞節」。

志操堅拔。凜不可犯。賀佩瑛飾「美麗」。活潑

柔媚。時露稚氣。謝采貞飾「虛榮」。處處不脫。

羨慕他人思想。韓雲貞飾「青年」毫無成見。

惟「美麗」「虛榮」之是從。徐維翰飾「金錢」。

儂薄無情。令人憤恨。史區詔飾「誠懇」節莊誠。

摯時露血性王殿臣飾「俠飛」剛勁之氣時

露眉宇。陳瑛雲飾「諂媚」。脅肩諂笑。類真小

人。余省三飾「引誘」。卑鄙醜惡。極下流之能。

事他若「色慾」「妖冶」「懦弱」「溺愛」「強權」

「陰險」「光陰」無不各如其分。故全劇饒有

精彩。

△優點 (一)本劇立意。在針砭時下善慕虛。

榮之女子。示以正途。字幕中所有口語。無不雙

關。故使觀者受有特別之感觸。(二)布景極富

美術觀念。光線尤能動人。較之舶來影片。亦無

韓雲英

主素 角女

殷明珠

陳佩霞

謝東榮

上海電影公司出品

黃佩貞

責而『妖冶』。『諂媚』以『金錢』失勢。惡聲報之。致甚衝突。『金錢』與『諂媚』互毆受傷同斃。『引誘』適來不之顧。挾『妖冶』而去。『強權』因覓『陰險』不得。頓成狂易。株守道中。遇『引誘』與『妖冶』突出詰之一言不合。因致互毆。『妖

責而『妖冶』『諂媚』以『金錢』失勢惡聲報之。

致甚衝突。『金錢』與『諂媚』互毆受傷同斃。

引誘』適來不之顧。挾『妖冶』而去。『強權』因

覓『陰險』不得。頓成狂易。株守道中。遇『引誘』

與「妖冶」突出詰之一言不合因致互毆「妖

多讓。(三)字幕襯畫。寓意簡顯。有時用活動畫。如「魚兒上釣」等幕。尤為警惕。(四)金錢以旨酒飲素女時。幕中映演地氈上之一足。用力向外支撐。暗寫上身之動作。妙在與人以思忖之機會。而趣味亦因而濃厚。(五)金錢戀素女時。忽夾入揉碎花朵兩幕。襯出金錢之罪惡。不涉

污濁。立意高尚。(六)美麗死。虛榮被劫。強權更遭陰險之欺。暗示世人以因果循環。發人深省。(七)全劇滑稽穿插無呆板之病。而處處含諷刺性。

△疵點 (一)立意高深。人名多用「狀詞」。含智識階級外難於瞭解。(二)因全劇係寓言體

裁。故不能盡合情理。例如(A)「金錢」因「美麗」而愛「素女」。美麗死則棄素女。而他戀。其意謂女子之受戀在乎美色。色衰則愛弛。但事實上決無如此表示。(B)「貞節」被幽。時間過長。以人事論殊嫌不妥。

綴雜廬冷

闌。玻。樓。

清初太倉王某。住東門。以及工起家。致巨富。構一樓。求吳梅村榜額。梅村題曰。闌玻樓。人咸不喻其意。以為必有出典。或以詢梅村。梅村曰。此無他意。不過道其實。東門王皮匠耳。聞此皆大笑。

蝎。子。太。守。

清熙正初。有一同知引見。不意帽中藏有蝎子。欲出不得。鉤其首甚痛。涕淚交併。帝望見駭異。詢其故。乃免冠叩首。詭云。臣感念聖祖仁皇帝六十年深仁厚德。臣家兩世受恩。遂不自知其涕淚之橫集也。帝曰。此人尙有良心。遂記名以知府用。後人稱曰蝎子太守。

小。說。起。原。

小說起於宋時。宋仁宗朝太平盛久。國家閑暇。日欲進一奇怪之事以娛之。故小說興。瞿存齋詩所謂陌頭盲女無愁恨。能撥琵琶說趙家。則其由來亦古矣。



反常的事 (小說)

S. K.

俞之華道：「八點鐘時，銀行團的幾個代表陸續都來了。我於是便差阿四進去去請省三。不一刻省三笑容可掬的走進會客室來。神情和平時一模一樣。坐定後，大家說了些空話。剛要談到正事，祇見省三坐在那裏不聲不響，頭顱漸漸的向前垂下。直擱到大菜檯上，兩只手膀也很軟癱似的垂到兩旁。我們見了，都驚駭得跳將起來。起初我們以為他也許是神疲昏暈，便把他從椅上抬起來安放在東面那張長沙發上。一面我喚僕人打電話去請何醫生。大約沒有一刻鐘吧，何醫生來了。何醫生仔仔細細的檢驗了一會，很懊喪的對我們說道：「唉，可憐啊。范先生已經脫離人世往極樂園去了。」立在室中的人，遽然聽得這話，誰也嚇得連一句話也說不出口。木鷄般的呆立着。何醫生嘆了口氣，又說：「范先生是受着慢性毒物致死的。」我聽了很覺奇特，心想他走進室時，還是好端端的，談笑自若，在那裏受的毒呢？這事不是很蹊蹺的嗎？」

肖桑站在旁邊，口啣着捲烟，低了頭靜聽着。之華將那過去的情形說完了。他沉思了一會，問阿四道：「你去請的時候，照見范先生在書室裏幹着什麼？」阿四道：「他正將人家送來的紫羅蘭花插在書桌上的花瓶裏。他一聽見說銀行團的代表來了，便出來的。」肖桑又問道：「沒有聽見別的麼？」阿四點着頭說：「沒有。」

肖桑走近省三的屍身，細細的察視了半晌，也瞧不出那裏受毒。我心裏

暗想這事一些頭緒也沒有。叫肖桑從那處着手偵探呢？

肖桑忽然對我說道：「夢生，你瞧省三的鼻子裏不有一片焦黃的東西麼？」我一看果然。正想答話，肖桑又於我叫之華引我們到書室裏去。走進書室，肖桑也不檢查別的，直跑到書桌旁，捧着那瓶紫羅蘭花，端詳了一會道：「毒物在花蕊裏。」我瞧了瞧花蕊的顏色，果真已經變樣了。便拿出顯微鏡來一照，只見一朵朵的花蕊裏都含有一種很細研的黃色的粉質。

我在書桌旁的小圓檯上，瞧見有一張卡片，便跑過去拿起來一瞧。那卡片上寫着「知照」二個字，右角上畫着一朵百合花，左角有個小刀戮的小洞，還繫着根綫。顯係是送花人繫在花枝上的。我便授給肖桑。肖桑對那卡片看了好久，又藏在袋裏。

肖桑問阿四道：「這花是誰送來的？」阿四搖搖頭說：「送來的是一個五十多歲的老傭婦，誰是主使可不知道了。」肖桑道：「在什麼時候送來的？」阿四想了想道：「大約在下午四五點鐘吧。」

肖桑擎起左臂瞧了瞧腕表，已是十一點鐘多了，便告辭了之華，回到家裏。肖桑對我說：「夢生，這件案子你去偵探吧。我暗裏幫助你好了。」我聽了很歡喜，心想我跟他二年，正好實驗我的偵探學識啊。當時我便一口答應了。他微微的對我笑了笑道：「祝君成功。」

那時我口裏雖然這麼說。其實心裏何嘗有什麼把握。到了睡的時候。我躺在牀上。拚命運用我薄弱的思想力。將案情反覆的想着。覺得范省三平時待人接物。素來很和善的地方。有什麼公益的事。和慈善事業。他更是熱心好爲。首先創辦。誰也敬重他。歌頌他。有誰會得仇視他。甚至於將他殺害了呢。那個送花的。果然是我椿案件的重心人物。可是范省三只見了那張卡片上的二個字。便明白送花給他的是誰。分明和他很熟悉。他見了花。又不住的接吻。更是他表示親密的動作。那人常然是和他很親近的了。最親近的人。怎麼要殺害他。真很離奇啊。

想了一夜。依舊得不着要領。第二天我一早便出去。無目標的偵探着。可是偵探了半天。一件事也沒有偵查得。中午走過以烹飪享名的中國飯店。便進去叫了客中餐。那天恰巧是星期日。顧客很多。我鄰座坐着一老一少。那年輕的很面熟。後來想着他是在財政部裏當一等科員的。什麼名字我却忘了。他對那年長的說。「東方銀行行長范省三。昨晚在私邸中約了銀行團的幾個代表。祕密商議那件屯壘借款。不知在什麼地方受了毒。竟當席逝世。不然成功了。他倒可以多一筆進款咧。」我聽見了這段話。不禁聯想到上月楊交涉員爲了交涉那椿勞工運動案。在外人方面示弱軟服。被救亡團暗殺的事了。聽說那筆屯壘借款的附帶條件很苛刻。范省三是那筆借款接洽人。又是個全權代表。救亡團恐怕成約了不利於我國。自然會將他殺害的。

我與匆匆的跑回家裏。將偵探着的消息。很詳細的向肖桑說了一遍。肖桑聽聽好像很不耐煩似的。我便說道。「以我揣測起來。這事必定又是救亡團所爲的。他們。」肖桑笑着插口說。「別說了。我已經知道了。你的見解雖然也說得過去。可是與事實恰巧相反。昨天我也疑到他們。後

來一想覺得不對了。你想屯壘借款。現在不過是一種非正式的談話。還不會交換意見。救亡團如果注意他。至多不過寫封信警告他。恫嚇他。決不會這麼鹵莽利用他的嗜好物來暗殺他。假使第一封信不生效力。再給他一個警告。即使時期危迫了。非殺害他不可。他們不會爽爽快快的槍殺他。要做這麼週折的事作甚麼。」我聽得了臉上不知怎的只覺得熱烘烘。一聲也不響。坐在沙發上發怔。

肖桑吸了枝捲烟。緩緩的說道。「兇手已經在警察所了。別再費腦筋亂想吧。」我聽說喜躍起來。說道。你已將兇手捉獲了麼。佩服佩服。你的本領真不差。」肖桑道。「別瞎恭維。何嘗是我破獲的。是他自己來投案的。你猜兇手是誰。」我道。「除了救亡團。總是那送花的了。」肖桑聽了只是搖着頭說。「不對。」我問道。「那麼是誰呢。」

肖桑道。「你早晨出去了之後。我便跑到警察所裏去。那時省三的儿子范希仁已經在那裏了。他一見了我便問說。「有沒有眉目。可知道兇手是誰。」我蹙着眉說。「我們還沒開始偵探呢。」他說。「你覺得誰最可疑。」我說。「現在我還沒有查出可以確定的證物。不便貿貿然披露出來。」他笑着說。「讓我猜猜看。好麼。你以爲的嫌疑人。不是先嚴的戀人嗎。」我聽說很奇怪。我因爲那紫羅蘭花。偵得確是省三的戀人送的。但不知道伊爲甚要殺害他。當下我點點頭。他又笑着說。「你認準人了。」那時我覺得很慚愧。便問。「說。那麼你以爲是誰呢。」他說道。「兇手嗎。不是別個。就在你們眼前和你們說話的。」我和所長巡警們。聽了都驚駭得不禁叫嚷起來。半晌他微微的笑了笑。很自若的說道。所長。偵探長。你們雖則很精明警機。可是萬萬想不到那社會的柱石。慈善家。會被人殺害。更想不到兇手却就是他的親生子啊。請你們不要詫異。這固然是件反常的事。

『我並不犯什麼神經病。我心地的很明晰。我何嘗不知道。弑父不但法律不恕。是逆倫的事。啊現在我姑且將我殺害他的原委說給你們聽。社會上一般人都承認他是現今社會的柱石。是個樂善好施的大慈善家。唉。可恨啊。我們都被欺騙朦蔽了。還被他在暗地裏譏笑我們都是盲目的呢。你們可知道。他完全是戴着假面具假慈善的名義而欺騙人家。他所做的事。那一件不令人可恨。盲目的人們反恭維他是社會的柱石。那不。是笑話麼。』

『他所幹的。都是些喪心病狂的事。我現在不願將他的罪狀盡情的揭曉出來。千句併一句。他做的事。對於社會人羣全是有損無益。我瞧着心裏實在難過得什麼似的。我時時刻刻想不如犧牲我一個。除了個萬惡的蠢物來得好。昨天我的目的達到了。是我成功的一日。』

『如今我有一個要求。就是我不願受現行的不公允的法律的裁判。希望你們開一個民衆法庭。那時候。我再將他的罪狀逐件詳細的告訴大衆。我恐怕別人。不信。還搜集不少可以證明我的話的證物。同時給人們研究。隨後聽憑人們來判決我。』

『至於我怎樣的謀殺他。那你偵探長也不用我細說。早已明白的了。』
。。。哦。夢生。這事真離奇啊。』

△律師費

電影明星詢律師曰。『余如委君代辦余之離婚案。君意欲得若干金。』律師曰。『若女士以後一切離婚案均歸余包辦。則此次自願純盡義務。』

△美國婦女之裝飾費

據美國服裝專家之計算。裝飾一美國婦女。至服色齊備。至少數須三萬三千二百七十五元美金。尙爲中下物品。上好者猶不止此。

△五百年前之蓮子

滿州沙漠。近發現五百年前之蓮子甚多。此種蓮子。在地層十五尺。至今猶未腐壞。彼處孩童。均往掘取。經某國植物學家之說明。此種蓮子。確係在地下五百年矣。



讀者論壇

五卅慘劇與今後教育方針

我國以前的教育。只能養成書獃子或爛名士。完全迂闊於時情。或好為乖僻脾氣。與人立異。更疏懶不好問國事。相沿成習。差不多這點老精神完全沒有改。總說學問只有讀書。讀書便是學問。縱然成績很好。也不過變成一個吃飯不懂事的廢物。自「五四」運動發生。大家纔知道刀在頭上了。所以不得不起來奮鬥。我國的國民性向來是抱「利己」主義的。這時候漸漸能不計較利害。能辨別是非了。大家很熱心很激烈底幹。這可說是很好的現象。但是沒有多時。仍向着原路走。一點聲息又沒有了。近幾年來。日英乘着我國國民性低降的時候。就大進行其帝國主義。我國少數學者。雖在各種雜誌上發表其真相。可憐大部分平民學生。依然在睡在鼓裏。不知道究竟什麼叫做帝國主義。帝國

主義究竟有多大的利害。

今年為日人殺死工人事。在五月卅日那天。他們所進行的「帝國主義」露出真面目來了。先覺的學生們。就因此而流血。大家覺得刀又在頭上了。所以不得不再起來奮鬥一下。這次奮鬥的精神。可是長進得多了。有卅日的流血。便繼續有卅一日的流血。雖槍礮在前。視若無物。哦。原來還有這樣驚人的精神留着。

幾天來各地的罷工。罷市。罷課。民氣的激昂已達了沸點。但是有一部分人好像仍沒有十分明瞭。而明瞭的分子。雖日日在那裏搖旗吶喊。却也沒為確當的指南針和根本救濟的方法。以絕後患。依我所見。欲救國。欲雪空前的五卅慘劇的恥辱。非從教育上着手不為功。蓋教育是社會進化的火車。進步的遲速。是看車頭的

戎承文商科大學圖書館

壞。所以欲雪奇辱。非根本改革今日的教育方針不可。茲就我所欲注意的一點。說明如后。救國同志。幸有以教正之。

在中國現在的國勢。我敢大聲宣言。非實行和提倡國家主義的教育。不足以救國。什麼叫做「國家主義的教育」呢。就是在「一國領土以內。國民團結一致。對內努力。求進步。對外防禦異族的侵凌。換一句話說。就是內求統一。外求獨立。其性質純為和平的。自衛的。這種教育的目的。在教導國民。咸以國家利益為指歸。現將大體方針分析之。有五。

(一)普及平民教育

近數年來。「平民」二字。漸為一般人士所注意。這也是我國的一種好現象。良以平民程度的高低。關係於國家勢力的強弱。古人所道說的

民爲邦本。『本固邦寧』就是這個意思。吾國人民號稱四萬萬。其中至少有一半不識字。像這樣有眼不會認字的瞎民。怎會不受別國人的摧殘蹂躪呢。吾國這幾年來。雖有不少義務學校或貧童學校的建設。但是規模都小得很。所以我希望五卅以後。宜多設大規模的義務學校。來教育一班無知識的平民。作一個根本救國的方案。

(二)收回教育權

外人之所以在中國辦學校。給中國人讀書。唯一目的。就在宣傳他本國的文字。爲將來利用根基。他們平日待學生是一付假面具。一觸國際上的事情。就要露出他們的真面目來。此番約翰震旦中法學校的態度。是一個很顯著的證明。他們想用教會教育。來統一我國的教育。所以五卅流血後的中國學生。應該不入外國學校求學。趕快收回重要無比的教育權。

(三)堅固團結力

中國人民簡直是一盤散沙。一堆蠢物。人人懷着狹隘的個人主義。完全沒有公共心。年來雖有一點覺悟。有幾個團體。但是團結力都很不堅固。我希望五卅流血後的團體。最少當具下列四個條件。

(一)凡團員個個都知道團體是自己的團體的事。即是自己的事。自己對於團體該做的那一部分。誠心熱心做去。絕對不避嫌不躲懶。

(二)每一件事有贊成反對兩派時。少數派經過充分的奮鬥之後。仍然失敗。則絕對的服從多數。不應搗亂。

(三)個個團員對於各件事。都要經過充分的考慮之後。憑自己良心表示贊成或反對。絕對不盲從別人。更不受別人脅迫。

(四)凡團體的事。絕對公開。令個個團員多得有與聞且監督的機會。

以上四個條件。無論作何種團體。生計都要應用。尤是對外。利權要

(四)重行編定小學教科書

「五四」運動爲的是什麼。一班小學生我可以斷定十分之九必不能夠答出這個問題。皆因平日沒有人詳細告訴他。要知道養成愛國心。從小來得容易。日本婦女每指地圖中的中國。對她的兒女們說。「這塊地方是很大。而且富饒。你們將來能設法奪得來。方算聰明。」所以他們今日千方百計的要侵略中國。亦未始不是受了這種教育的影響。我國此次五卅的

流血。全國震憤。但是一班小學生。恐怕仍不知道。爲的是什麼。補救之法。惟有重行編定小學教科書。用淺易的文字。述明英日人的野心。帝國主義是什麼。國家主義是什麼。五卅流血爲的是什麼。俾其觸目印心。永久不忘。

(五)注重體育

外人叫我們中國爲「病夫之國」。我們的慚愧。悲憤。哀傷到於極點。這因大家平日不肯在教育上用功夫。不能鍛鍊強壯的身體。所以吾希望五卅後我國學生平民。從速注重體育。組織各種軍團。養成軍國民的精神。十年後。不難得到八十萬驍勇善戰之士。與我們仇敵決一場死戰。爲祖國爭光。爲五色國旗增輝。上述五項。是實行國家主義的方針。希望同胞竭力進行。碧眼兒目吾國爲「睡獅」。要知道現在可是「醒獅」了。正是不醒則已。一醒驚天下。同胞努力呀。努力。進行呀。進行。



前期勘誤表

題	目	頁數	行數	誤	正
政府宣注意外交手腕	二上	十三行	攫取		攫取
整理交通事業之希望	三上	六行	之故		如故
逞高興與好白相	三下	八行	少支		可支
日本今後之社會事業	一二下	八行	儘有		盡有
	一三下	二行	榮養		營養
論環境與文化之關係	一五上	一行	漢視		漠視
	一七上	二行	此之口		此之謂
曲諧	二七下	七行	臨通		臨逼
文錄	二九	五行	會口亡		會之亡

金城銀行

總分行 辦事處地點

天津 北京 上海 漢口 鄭州

通匯地點 國內外各都會

商埠均有代理機關

股本總額 壹千萬元

公積共計 壹百叁拾萬元

辦理銀行一切業務

兼收各種儲蓄存款

國貨化粧品佳品

生髮養血。老少咸宜。馨香爽潤。男女皆合。固為粧台所常備。亦為保腦之良品也。



愛國諸君 注意注意

三大號 二角
二號 二角
一號 三角
廣生行 啓